

UMULANDU CENA CA

BELELE BA KACEMA

2 Ndeingililamo, ndi kashimikila uukokola. Kibili uwabula amasambililo, Ine—Ine Ndeingililamo ukutila nshaba kashimikila uwaishibikwa ku bantu bambo. Kibili Ine—Ine nshilandia ukutila ndi kashimikila, Nabafye kwati li tayala lya pambali. Lelo Ndacadumfwa ukutila Nalikwata i Mbula ukufuma kuli Lesa, ukutila ico munshila yandi (ukutila iyoinefy e nshila imo iyo Mpelelamo Cena), Ndeesha ukupela Cena kwi sonde. Kibili nga cakutila Nshaikelle pamo neyo Mbila, Ine kuti naba kafutuka kuli Lesa kibili myalu myalu kuli imwe. Umuntu uyo uwingalandia cimo icintu kibili nokucetekela cimbi, ico nibu myalu myalu. Ifwe Lyonse tufwile ukulanda icine ukufuma mu mitima yesu. Icakutila lintu abantu balolesha pali ifwe, nangufye bena kuti bakana ukusumina pamo na ifwe, tulefwaya ukuba ba shimucindikwa abaume na banakashi: ukutila tulelandia ukufuma mu mitima yesu, ico icaba icacine mumitima yesu.

2 Umwaka wafumineko, nangu umwaka ilyo uwafumineko taulafika, Nalikwete insambu ishakulanda ku—ku mwina Kristu...nangu njeleleniko, imbila yapa Chiminshi minshi, pano pa Ramada. Kibili Ndecetekela Nalandile pe sambililo, limbi pano nangu ku Phoenix, pali: *Mulandu nshi we Betelemu Munono?* Kibili Nincetekela nomba ukutila cena cali pano, yuu mwaka wafumineko, Nalandile pa: *Natumona Ulutanda Lwakwe Ku Kabanga Kibili Natwisa Mu Kupepa Ena.*

3 Kibili, namwishiba, lintu imwe mwabelenga Baibele, kibili tulasunguka, pali ilya “*Imilandu?*” Kibili muno nshita ya bushiku Nacitontonkanyapo, nga cakutila imwe kuti mwaba pamo naine pakashita akanono, nokupepa pamo naine, Ine kuti naesha ukupela imwe imbila yapa Chiminshi minshi. Lesafye eka ewishibe apo ifwe tukaba pa Ciminshi minshi cikakonkapo, nga cakutila kukaba i Ciminshi minshi cimbi panuma yaici. Eico ukuba icakutila ici limbi kuti caba i Chiminshi minshi cakulekelesha ifwe twaikala capamo, mpaka tukekale pe tebulo limbi. Kibili Cena tacakabe cimo ica yuu musango, lelo cena cili nokuba lintu ifwe twaikala ukulya nokunwa ku mulalilo cipyapamona Ena, mu Bufumu ubwakwa Taata pa mpela ya musebo. Kibili nomba, lekeni tupalamine kuli cena muno nshita ya bushiku kwati iyi e mbila ya Chiminshi minshi ya kushalikisha iyo ifwe tatwakatale atwikalapo capamo, mukushika ukwa bu cishinka.

⁴ Ndefwaya ukulanda mu nshita ino iya bushiku pe sambililo limo ilishaishibikwa, lelo inshita shimo shimo imwe kuti mwasanga Lesa mucintu icishaishibikwa. Ena alacita ifintu munshila iishaishibikwa. Te munshila iyaishibikwa, yena ni nshila iishaishibikwa, inshita ishishaishibikwa, muficitika ifishaishibikwa, Ena aba uushaishibikwa. Kibili Ndefwaya ici... Shikulu nga asuminisha, Ndefwaya ukulanda pe sambililo ilileti: *Umulandu Cena Ca Belele Ba Kacema*.

⁵ Kibili nomba ilyofye tatulapalamina ku Cebo, ico Nacetekela ukutila ni Lesa, "Pa kutendeka pali Cebo, kibili Cebo ali pamo na Lesa, kibili i Cebo cali ni Lesa. Kibili i Cebo calengelwe umubili kibili nokwikala pakati kesu."

⁶ Nga fintu Nalandile, umulungu wafumineko, nangu umulungu wafumineko ilyo taulafika ku Phoenix, "Cena calishininkishiwa ukutila kwaliba amasambililo aya pali lino isonde, abantu, ukupita muli cino icikulwa nomba." Icitunshi tunshi cashininkisha ukutila. Cena caba munshita imbi, amenso yesu ayacifyalilwa namano yesu yasano yena tekuti yamone cilya. Cena tacili icakutila icitunshi tunshi cilapangapo icintu icili conse, cena cipishafye. Iwe tekuti ucite icakusela no munwe obe, iwe tekuti upume ilinso lyobe, lelo cena calishininkishishiwa ukuba icasungwa ku nshita. Ine kuti naba limbi uwaiminina... Nangu umuntu mu Australia, kuti akwata icakumwenapo pa—pa citunshi tunshi pano, te ico ceka lelo u—umuntu kuti alanda, kuti asesha umunwe wakwe, apuma ilinso lyakwe, nangu umusango wa cakufwala ico afwele, kuti calangishiwa pano pa cibumba; kibili ena ninshi ali mu Africa, Australia, ukuya monse mwisonde. Mwamona, kwaliba icakushinguluka limbi ica mabimbi. Ine tekuti nondolole ico, lelo Ninjishiba cena epo caba. Ine nshiletontonkanya umuntu onse kuti icine cine alondolola ico. Eico, icitunshi tunshi kuti catinta ici mukati nokupanga cena icituntulu, ukupitila mu fibombelo fimo, ifyo bena kuti balangisha ico pa cibumba.

⁷ Nomba, ico icintu cimo cine cali pano lintu Adamu ali pano. Icitunshi tunshi cali pano lintu—lintu Eliya aikele pa Lupili lwa Kamele. Cena cali pano lintu Martin Luther, ulya shimapopo umwaice, aposele umulalilo pansi nokutila, "Cena kapapatu! Kibili abalungami bali nokwikalilila ku cicetekelo." Cena cali pano lilya, lelo ifwe tulesangafye cena nombaline. Kibili cena pamo efyo caba, ukutila mukubapo kwesu muno nshita ya bushiku ni Lesa, ba Malaika, ifintu ifya maka yakalamba ifyo ifishimoneka ku mano yesu ayakumona. Lelo ubushiku bumo cena cikaba icituntulu pamofye nga fintu icitunshi tunshi cili nomba, kibili icaseekafye naco. Nomba, uyo wine e mulandu Ine nacetekela i Cebo.

⁸ Yesu atile, "Uyo onse uukalundako icebo cimo kuli uyu Baibele, nangu ukufumyako i Cebo cimo muli Cena, icipandwa cakwe cili nokfumishiwa mwi Buuku ilya Mweo."

⁹ Eico, lekeni tukontamike imitwe yesu nomba, ilyo tatulabelenga Cena. Eico caba na bucishinka ubwashika! Umuntu onse uwakwata amaka ya kumubili kuti aisula ibula, lelo ni Lesa ekafye uwinga sokolola Cena.

¹⁰ Kibili ne mitwe yesu iya kontamikwa nomba ukulola kulukungu uko ifwe twafumishiwe, kibili ubushiku bumo tukabwelelamo, Ndesunguka...Kibili muli iyi inshita iya bucishinka ubwa shika, ilyo tuleisa tulepalamina ku Chiminshi minshi, nga cakutila kuliko bambo pano icine cine abaleumfwa ukukana fikapo kibili balefwaya ukubebukishako muli ili ipepo, bushe imwe (ukwabula ukwimyako imitwe yenu) kuti mwaimyakofye amaboko yenu kuli Lesa nokutila, “Njibukisheni, mwe Shikulu, muli cino Chiminshi minshi”? Lesa amipale.

¹¹ Mwe ba Mushilo aba Kusenamina Taata uwa mu Myuulu, Lesa Uwamaka yonse, Ena uyo uwafumine kukutendeka, ilyo takulaba ulutanda, nangu akantu akanono, nangu akantu akabulungana. Imwe mwapangile ifintu fyonse ifi ukupitila muli Yesu Kristu u Mwana Wenu, kibili mwalitupela ifintu fyonse ukwabula ukushita muli Ena. Twa Mitotela, ino nshita ya bushiku, Shikulu, pali iyi nshita iyo Mwatupela ukuilonganika capamo, ukuti tusokwe kibili nokufundishiwa na Mupashi wa Mushilo. Kibili Mupashi wa Mushilo alabula i Fyebo Fyenu nokufisokolola Fyena kuli ifwe, pantu Yesu atile, “Lintu Ena Mupashi uwa Cine waisa, Ena ali nokumibukisha pali ifi fintu ifyo Nandile kibili pamo ukulangisha imwe ifintu ifili nokwisa.”

¹² Lesa, tapali onse umo pakati kesu, nangula kuliko umo pe sonde, uyo uuli uwafikapo ukwesha ukupilibula i Cebo Cenu, pantu calilembwa ukutila, “I Cebo cakwa Lesa tacawkata ukupilibula ukwa pa mbali.” Eico, Shikulu, twapepa ukutila Mupashi wa Mushilo alatupela ifwe muno nshita ya bushiku, cila umo na onse, icipandwa ico tulekabila ukwikusha insala iyo iili mu mitima yesu pakutila twaenda mupepi na Imwe. Ifwe tatuli abalinga, abashawama, abakanafikapo. Lekeni u Mwana ulya uwafyelwe mu Betelehemu, ulya uwaikiele umweo uwapwililika, kibili ewalifye umo umuntu uwapwililika pe sonde, kibili aipele Umwine nge cilubula ukutila Ena engatuwamya ifwe fwe babembu abashawama kibili nokutuleta ifwe mukwishibana pamo na Taata, fikilisheni muno nshita ya bushiku ukutila Mupashi wa Mushilo Wakwe (ukupitila mukushimikila ukwa Cebo) alacita ico kuli ifwe.

¹³ Shikulu Lesa, kuli abengi abalwele mu calo ileelo, mu cinso ca muti uusuma uyo ifwe tatwatala atubomba pamo nawena, kibili umuti uusuma kibili ne fipatala ifisuma. Kibili cibe muli fyonse ifikalamba ifya bu science ifya sangwa, cibe kuli amalwele ukucila na pafyo isonde talyatalile alishiba, pantu kuli ulubembu ulwingi kibili nokukana cetekela ifyo isonde

talyatalile alishiba. Twafwilisheni muno bushiku, Shing'anga Mukalamba, kibili undapeni nabalwele abali pakati kesu.

¹⁴ Kibili tupeleni u Mupashi, u Mupashi uwa cine uwa Chiminshi minshi. Lintu ileelo...ilyo kuli ukusefyu ukwa busenshi, ifimuti fya Chiminshi minshi filepepwa, amalyashi yakupanga aya—aya muntu uwitwa Santa Claus, kibili napa tululu twesu utwa pe Pasaka, kibili nama fashoni ayalekana lekana ayo isonde lyamakwebo lyaimininapo, lekeni fyena fibikwe lubali, mwe Lesa. Lekeni twingile muli Kristu i Cebo, pantu twaipusha ico mwi Shina Lyakwe kibili ku bukata Bwakwe. Ameni.

¹⁵ Ngacakuti kuti mwaisula na ine mukubelenga mu Buuku lya Mushilo, muli Luka wa Shila, chapitala 2. Bushe muleng'umfwa nacilungama?

Bushe kuli ukucinja amashiwi mufisoselo? Bushe muleng'umfwa ku numa bwino? Ngacakutila muleumfwa, imyeniko ukuboko kwenu. Natotela. Chapitala 2 uwa Mbila nsuma umwabela Uwashila Luka.

Kibili caishile fikilishiwa muli shilya, ukutila kwafumine icipope ukufuma kuli Kaisaleyia Augustusi, ukutila isonde lyonse lifwile lyalembesha.

(Kibili uku ukulembesha mukubalilapo kwaihibikwe...ali ni kafinala waku Syria.)

Kibili bonse baile mukulembesha, umuntu onse ukuya ku calo cakwe cine.

Kibili Yosefu pamo aile ukufuma ku Galilili, nokuya mu musumba wa Nazereti, ukwingila mu Yudea,... mu musumba wakwa Davidi, uyo uwitwa Betelohemu; (pantu aali wa mung'anda kibili mucitoto cakwa Davidi:)

Ukuya mukulembesha pamo na Maliya nkobekela umukashi wakwe, ukuba pabukulu no mwana.

Kibili eico efyo cali, ukutila, ilyo ena aali kulya, inshiku shafikile ishakuti engapapa.

Kibili afyele ibeli lyakwe umwana umwaume, kibili amupombele mu nsalu shakwikalapo isha pali kabalwe, kibili amulalike mu mukondo; pantu twamwali umuputule wakutushamo mu ng'anda yabeni.

Kibili mucalo cimo cine bakacema abaikele mu mpanga, abalemona pa mikuni yabo munshita ya bushiku.

Kibili, moneni, malaika wakwa Shikulu aishile pali bena, kibili ubukata bwakwa Shikulu bwabengeshime ukushinguluka pali bena: kibili batinine apakalamba.

Kabili malaika atile kuli bena, Mwitina: pantu, moneni, Naleta...ilyashi ilisuma ilya kusangalala kukalamba, ilyo ilili nokuba ku bantu bonse.

Pantu kuli imwe nakufyalwa buno bushiku mumusumba wakwa Davidi Kalubula, uyo uuli ni Kristu Shikulu.

Kabili ici ecili nokuba icishibilo kuli imwe; Mulesanga umwana na pombwa mu nsalu ya kwikalapo pali kabalwe, nalala mu mukondo.

Kabili mukupumikisha kwali...Kabili mukupumikisha kwali...pamo na malaika cinkumpiti wa...umulalo wamu myuulu ulelumbanya Lesa, kabili baletila,

Ubukata kuli Lesa uwa mwansasama, kabili pe sonde umutende, ubufwayo busuma ukulola ku bantu.

Kabili cena caishile fikilishiwa, ilyo bamalaika bafuminepo bayo ukufuma pali bena ukuya mu muulu, bakacema balandile kuli umo namunankwe, Lekeni ifwe tuye nomba nangufye mu Betelehemu, nokumona ici cintu icishile muku fikilishiwa, ico Shikulu alengele cishibikwe kuli ifwe.

Kabili baishile mu kwangufyanya, nokusanga Maliya, na Yosefu, no mwana nalala mu mukondo.

Kabili lintu bamwene ena, balengele cishibikwe konse ukutali ukulanda umo ukwa ebelive kuli bena ukulola ku mwana.

Kabili na bonse abo abaumfwile ico basungwike pali filya fintu ifyaebelwe bena kuli bakacema.

Lelo Maliya asungile ifi fyonge ifintu, nokula pitulukamo mu mutima wakwe.

Kabili ba kacema babwelelemo, balekatamika noku lumbanya Lesa pali fyonge ifi fintu ifyo bena baumfwile noku mona, ngafintu fyena fyaebelwe kuli bena.

Lekeni Shikulu alundeko amapalo Yakwe kukubelenga kwa Cebo Cakwe.

¹⁶ Nomba, cena ca...Mulandu nshi icicitwa icikalamba casokolwelwe kuli bakacema? Ici ecintu cimo icili ica kusungusha kuli ifwe. Ninkwata Amalembo ayalembelwe pano, kabili nefilembelwe ifinono ifyo Nalaesha ukupitulukamo, ukulondolola kuli imwe umulandu ukukonka nokwishiba kwandi ukusuma. Kabili limbi nomba panuma ya ici, ukutila Shikulu pamo nokusenamina Kwakwe, muno nshita yabushiku, alafumyapo umulandu cabele ifyo ukufuma pali ifwe. Lelo bushe...Ifwe fwe bengi, Nddecimona, panshita imo nangu iinakwe, twalisunguka umulandu ici icicitwa

cikalamba ica munshita yonse casokolwelwe kuli bakacema. Mulandu nshi Cena casokolwelwe kuli bakacema kibili tekuli bakasambilila wafyamapepo bulya bushiku? Bena ebamo bakanshiwe ukumfwa Ico. Kibili mulandu nshi Cena capitile abakankala, nokwisa kubabusu? Pamo, mulandu nshi Cena capitilile abasambilila nabamano, nokwisa kabantu bafye kibili abashasambilila? Muli amepusho yanono aya *mulandu* nshi muli ici.

¹⁷ Kibili umulandu umbi kuti Natila, moneni, umwana afyalilwe mu Betelehemu. Iyo Betelehemu muci Hebere mukupilibula, ngafintu twakwete imyaka iingi iyapitapo pano, *Betelehemu* cipilibula “*ing’anda yakwa Lesa iya mukate.*” Kibili twashininkishe mu Malembo, Ena taishile pa ncende pambi. Betelehemu yasangilwe na Rahabu no—no mulume wakwe. Rahabu ali ni cilende ulya umukalamba uwali nabucibusu nomukalamba wabulwi, ukufuma ku—kubabulwi bakwa Israeli, panuma yakucimfyia Yeriko. Kibili ku cicetekelo acetekele i Mbila yakwa Lesa, mumibele yakwe, kibili alipuswike. Kibili ukufuma palya, lintu Yoshua aakenye ifyalo apo cila umo ali nokuba, . . .

¹⁸ Kibili palipo isambililo ilikalamba ilyo inshita imo Ndesubila ukuti likaletwe pa Tucson, ilya balya bamayo baci Hebere abale papa balya abana. Lintu ateeta kubukali bwa kupapa umwana, ena kwita ishina lya mwana kabilo ico calebika bwino ulya mwana mu calo cabulayo, nomukowa wakwe. Icintu icikalamba cakutila, i Cebo conse icakwa Lesa cilalingana bwino capamo. Ngacakutila cakana ukulingana capamo, cena te Cebo cakwa Lesa ico icishilingene, litontonkanyo lyobe elishilingene ne Cebo. Cena cilampana capamo.

¹⁹ Eico, nomba, Ena ewali u Mukate wa Mweo, ngafintu twafundile uyu mulungu wafumineko ku Phoenix, nangu umulungu ilyo umulungu wafumineko taulafika. Kibili pakuba u Mukate wa Mweo, Ena taishile pa ncende imbi kano “*ng’anda yakwa Lesa iya mukate.*” Kibili uyo wine ewali *mulandu*. Nomba, apa, Yesu afyalwa mu Betelehemu, kibili mu Betelehemu mwali isynagogue, intungulushi shikalamba isha bukapepa shaikeli mu Betelehemu. Davidi imfumu nkalamba iyaba kacema afyalilwe mu Betelehemu, wishi wakwe Yesse afyalilwe mu Betelehemu, wishikulu wakwe Obedi afyalilwe mu Betelehemu. Pamo, ukubwelelamo kunuma, ena aishile ukufuma ku Betelehemu.

²⁰ Kibili apa, Yesu u Mwana wakwa Davidi afyalilwa mu Betelehemu, palya pene pe samba lya finshingwa fyamachalichi ayakalamba. Nomba ngacakutila balya balikanshiwa, kibili balelolesha kuli Messiya pa myaka yonse iyi; amakana yane, Messiya asesemwe ukwisa. Kibili nomba ngacakutila Messiya afyalilwe mu cinshingwa cachalichi cikalamba, mulandu nshi bailile mpulpampulwa ukubwelela ukya mumpili kwibumba

lya bantu abashasambilila, bakacema abashakanshiwa ukuleta i Mbila ikalamba, i Mbila yakubalilapo? Kabili ukupela bakacema umulimo! Teba mano kibili abakanshiwa, lelo bakacema. Cena cintu iceni, bushe teifyo? Lelo kufwile kwaba *umulandu* ku ncende kumo...Kuli *umulandu*, nomba kufwile kwaba ubwasuko ku mulandu! Kabili takuli umuntu uwaishiba ubwasuko kano Lesa. Ena e Umofye uwaishiba ubwasuko.

²¹ Nomba, ibukiseni ukutila Messiya alikale mu musumba, afyalilwe mumusumba, mwitanga; mupepi namachalichi yakalamba umwali na shimapepo mukalamba...naba shimapepo mukalamba, nabasambilila pafya mipepele, naba mano, nabakanshiwa, bonse bali mulya balelolela Messiya. Kabili Aali palya pene pakati kab! Lelo mulandu nshi nomba bena bailile ku...kunse kulya ku mpili sha Yudea ku bashasambilila, abashakanshiwa, abashakwata ubuyantanshi bwakuiitwala pantanshi, ababusu bacilapo pali bonse? Ucumoneka abantu abashalinga ku mulimo uwaba nga filya, ukusokolola i Mbila kibili nokubatuma ukuya ukutwala ilya ine i Mbila.

²² Namwishiba itontonkanyo lyandi? Lyena limbi tekuti lifikepo nganshi, lelo Ndefwaya ukupela itontonkanyo lyandi: Ndecetekela cena nipa mulandu wa mano yakwa Lesa, ukutila Ena alishibe ukutila bena ngatabapokelele i Mbila yaba ngafilya mu musango Yena yaishilemo. Yena tayali umwabela ukufwaya kwa kusambilila kwabo. Cena calipuseneko. Cena tacali umo babakanshishe ukucetekela Ena ukuba. Cena calipuseneko ku kukutuluka kwa kusambilila ifya mapepo yabo. Úukanshiwa kwabo konse, ukusambilila kwabo konse kwali cililwe, kwali ukwacimfiwa. Nincetekela cena cali mano yakwa Lesa ukutila bena tabapokelele i Mbila yaba filya.

²³ Eico Messiya ali pano, kibili kufwile kwaba umuntu umo uwaku Cishiba ena. Kabili Alishibe balya abashali abasanishiwa mu fintu ifyaba ngafilya. Ena ali uwalinga ukutwala imbila Yakwe kwi bumba lyaba shasambilila, ukucila pafyo Ena engacita kwibumba lyasakanishiwa ilya ikala munshila shaliko icakutila takuli nangu cimo icingabapilibula, nangufye i Cebo cakwa Lesa tekuti cibombe.

²⁴ Kabili nomba, cibusu umwina Kristu, leka njipushe ili lipusho, ne cishinka nokutemwa. Ndesungukafye ngacakutila Ena kuti apanga cimo cine muno nshita yabushiku, nokutuma kuli ifwe muli ino nkulo i Cebo icalaiwa ico icalaiwa kuli ino nkulo, Ndesunguka ngacakutila abasambilila ifya mapepo besu, naba kasambilisha, naba mano, tekuti bakane i Mbila cimo cine nga fintu bena bacitile ilya nshita? Umuntu tacinja, nangu i Cebo cakwa Lesa ukucinja. Ena ni Lesa uushicinja, Tacinja!

²⁵ Moneni, ba Malaika baisa no... ba Malaika baisa nokupela i Mbila yabo kuli uyu muntu uwamibile yapanshi, lintu

kwali abantu kulya abacilapo (abo isonde litontonkanyapo) mukwishiba ukucila pali aba bantu babusu, bakacema bashasambilila. Kacema uwali uushasambilila ukucila pa bantu bonse, talekabila ukwishiba nangu cimo lelo kanofye pa mpaanga shakwe. Talekabila ukwishiba insamushi. Talekabila ukufwaya ukwishiba ifya—ifya kwakanya akantu akacepesha ka atomu. Talefwaya ukutungililwa mumasambililo. Ena aishibefye pa mpaanga shakwe, epelafye efyo alefwaya ukwishiba. Kibili Lesa, Amano yakalamba, kibili Akafukauka kibili intulo ya mano yonse, kuti asala umuntu waba nga filya (abantu, ukuchila, nga balya), noku cilila bonse abasambi abakanshiwa bwino abo abakanshiwa ukwishiba Cena. Cena cilanda icintu cimo, ukutila bena bakanshiwe mu ncende iyalubana. Ukupita pali bonse abakalamba aba mu calo; kwali abantu abakankala, bakafundisha bakalamba, Kayafa shimapopo mukalamba, na bengi bambi abantu bakalamba, bonse abamasambililo yamaka mu Israeli, ifilonganino fyonse, abayumfwa bonse abasambilila ifyamapepo, Lesa bacilile onse umuntu pali bena! Nomba, ayo emano yakwa Lesa.

²⁶ Moneni, i Myuulu iya Sansama ukwangufyanya ukufikilisha pali umo uwacilamo ukushalikisha kibili uushasambilila untu isonde lyakwata. Uwa Sansamisha uwamu Myuulu ukwikila pansi ukulenga u Mwine eka palwakwe ukwishibikwa kuwashalikisha uwa pesonde, ukucila bonse pakati uukwilenga Umwine eka palwakwe ukwishibikwa kubashaba nangu cimo bakakumba; ukwisa nokupela aba abashaba nangu cmo bakakumba i Mbila iikalamba iya munshita shonse. Kwaliko inkcombe ishingi ishikalamba. Isoh twinga tontonkanyapo mu bushiku bwakwa Noah, kibili kasesema, kibili—kibili naba shimapopo bakalamba, nefyaba ngeffyo, bali mu nshiku ishapitile. Abakalamba abantu basambilila, isha mfumu, abantu bamaka, isha mfumu intungulushi, lelo Ena apa aishile ne Mbila iyakulishapo pali shonse. Ni Mbila nshi? “Messiya ali pano nomba!” Mwamona? Kibili nokuleka ico ukwishibikwa, Apitilile bonse abakanshiwe, ukuleka cena ukwishibikwa kubasha nangu cimo bakacema.

²⁷ Tontonkanyeni pali ici: bonse bashimapopo, bonse abantu bamu chalichi, bonse bakafundisha, bonse ba—ba bakasambilila abakanshiwa mufya mapepo, na lonse ulupiya ulwaposwapo, ama chalichi yonse, na masambilila, ne filonganino, fyonse fyalicililwe! Konse ukusambilila kulya baposele pali ba—paliba mishioni, kibili nakonse ukucinja ukwabu kapepa, bonse bu membala, nafyonse ifintu ifyo bakwete ukutontonkanyapo pafyo ba cindike Lesa, cibe i Mbila iikalamba iya cena conse yalipitililwe ukufuma kuli bena. Cena! Mulandu nshi? Mwamona?

²⁸ Kibili moneni, teico ceka, lelo incende iishalekabilwa pali cilya citwa. Ba kacema, nomba, ebamo abapokelele i

Mbila. Kibili nomba moneni ukwali i Mbila: mu ncende iishalekabilwa ku muntu nangu umo ukutila Ena emo ali nokwisa. Kibili Ndesunguka, muno nshita ya bushiku, ngacakutila twalefwaya i Mbila ya cine iyakwa Šhikulu Yesu, Ndesunguka ngacakutila kuti Yaba mu ncende yebumba iiishilekabilwa, incende iyo iishali...ukutila ilya iikalamba, isonde ilyaya pa ntanshi mubuyantashi kibili ne chalichi ileelo kuti catontonkanya ukuba lya—lya, oh, abantu abacetekela ifyapusanako? Ndetontonkanya ngacakutila ebumba ilyo Ena twingamusangamo? Incende iishakabilwa apakalamba, kibili kuli bakalanda abashakwata ifikabilwa. Ba kacema tabaishibepo nangu cimo palwa milandile, kanofye ukwita impaanga; ukuba, limbi uyo wine e mulandu Ena aishile.

²⁹ Lelo kwali i Cebo icalailwe. Moneni, cena kuti cacita ico nakabili.

³⁰ Capitilile bonse ba shimucindikwa aba mu calo. Capitilile bonse ba shimucindikwa, kibili casokolwelwe ku bantu abashali nangu cimo. Bonse ba shimucindikwa abakwete ifi—ifikalamba ifya bu dokota bwa bumupashi kibili—kibili nefya kwishiba amano, kibili—kibili naba masambililo ya pa muulu, ne fikulwa ifikalamba ne fintu, fyonse fyali cililwe nokusokololwa ku bantu abashali nangu cimo. Amano, amano ayasangwa konse konse ayakwa Lesa Wamaka yonse eyacitile ico, ukulenga ukwishesibika kuli bena i Mbila iikalamba iyo iishatalile bako, “Messiya nomba Ali pe sonde.” We mano we! Yena kuti yafumafye kuli Lesa uwaishiba amano! Yonse amano kibili na fyonse ifya kusambilila, ne fintu fyonse, fyena fyaonawilwefye nokupitillwa na mano ayakalamba aya kwa Lesa. Ndebwekeshapo ico pantu Ndefwaya cena ukwingila mukati mukushika. Fyonse fyaonawilwefye, fyena tafyakwete icisuma nangu cimo. Fyapitililwe ukuleka amano yakwa Lesa yengakwata inshila iyalungama iyakupita, ukutila Lesa abulile ifishaba nangu cimo ukufipanga icintu cimo.

³¹ Ifwe kuti twaiminina pano nokulanda pali Yohane. Ifwe kuti twaiminina nokulanda pali Eliya. Tapaba nangu umo uwaishiba umo Eliya afumine. Icofyе baishiba, amonekefye amoneka. Ba kasesema ukupita mulya mu nkulo, tabali nangu cimo. Lelo Lesa abulile cilya uku...kibili apitilile pa—pafya nkama ifya chalichi, kibili nefya kufundisha, ukupanga... ukulangisha ukutila Ena ni Lesa. Ena abulile icintu cimo ico icishali nangu cimo, ukucitamo icintu cimo pamo na cena. Ena alangishe amano Yakwe na bu Lesa Bakwe mukucita ico, ukutila Ena abulile ifishali nangu cimo. Lintu mukubalilapo Apangile umuntu, Abulilefyе iloba ilyabulungana nokupangamo umuntu ukufuma muli lyena. Apo cena tacali nangu cimo leelo ilobafye, lelo Apangile umuntu. Kibili Lesa abula ifishaba nangu cimo nomba, ukupangamo ifintu fimo pamo. Kibili lintu ifwe tuletontonkanya ukutila tuli ifintu fimo, nomba ifwe tekuti

tubomfeshiwe mukuboko kwakwa Lesa. Ifwe tufwile twaleka fyonse ifyo twatalile ukwishiwa nangu ukusambilila. [Munyina Branham awamya pa mukoshi—Kale.] (Njeeleniko.) Kwati ngo mukalamba Paulo Uwashila, atile ena alilabileko kuli fyonse ifyo asambilile, ukutila ena engeshiba Kristu.

³² Konse ukusambilila kwabo, konse ukufundisha kwabo nefyaba ngefyo, fyalebombelafye fyena kububi bwa fyena. Fyena mukushalikisha fya Mukene! Kulya kwine ukusambilila uko bena bakwete bakwete *pali* Ena, uku Mucetekela, fyapilibwike nokuba ifintu ifilwani ifya Mukene, kabili bali Mutanike!

³³ Bushe mwali shiba ukutila ilyashi lyakale lilaibweke shapo iline palwa liko imiku iingi? Cena cishinka icaishibikwa. Cena kuti cacitika nakabili bwino ku lubali lwesu. “Oh,” imwe mwatila, “Nga cakutila Ine naikeli lilya, . . .” Ukuba, nomba, nga cakutila iwe ulefwaya ukwishiwa ifyo iwe wacitile kulya, lolesha pa mibele yobe ubulelemo nomba; kabili iwe kuti wamona ico iwe wacitile lilya, pantu cena icine cine cilesokolola.

³⁴ Urukanshiwa ukucetekela i Cebo Cakwe, kabili nomba lintu i Cebo Cakwe cashininkishiwe ku menso yabo yalya yene, bakene i Cebo cilya icapangilwe ukushininkishiwa. Lintu Lesa ashininkishe ico Ena ali nokucita, kabili nokulanda ico Ena ali nokucita, kabili nokushininkisha ico Ena ali nokucita, nomba bena bapilibwike nokwita uyu muntu “umupashi uwakowela” (uyo uwabatipile bonse). Tontonkanya pali ico icacitike! Tontonkanya paca balengele; ukukanshiwa kwabo kwalengele bena ukukana ishiba cilya cine i Cebo ukupanga umubili pa bushiku bwabo; kulya kwine ukukanshiwa uko bakwete mumasukuulu yabo, pamo nabakafundisha abaishibisha.

³⁵ Kabili mwatila, “Ukuba, ifwe teti tucite ico ileelo.” Bakafundisha babo bali abacilapo pa besu ileelo (abacilapo, ukucila, pali ba kafundisha besu), kabili bafililwe. Bena tabakwete imyanda pabula na makumi pabula na mutanda utubungwe utwalekana lekana nga fintu twakwata ileelo. Bena bakwete mukwete mupepi na fitatu. Kabili muli fitatu, konkeni ukufika kuli fitatu, kabili tapali nangu cimo pali ifyo fitatu ifyaishibe Cena! Cilangisha ukutila ico umuntu acita buwelewele kuli Lesa. Mwamona?

³⁶ Nomba, bafililwe ukucishiba Cena. Nomba . . . Kabili bena kuti bacita icintu cimo cine nakabili.

³⁷ Umuntu . . . Ubwiminishi bwakwe busuma, bwena lyonse busuma. Kabili umuntu tatala acinja imiminine yakwe, ena tacinja inshila shakwe apakalamba; Ndelanda pa muntu uwa mwi sonde. Umuntu lyonse alumbanya Lesa, umuntu wa bukapepa, paco Ena acita, kabili lyonse asonteleta abantu kuco Ali nokucita, kabili nomba nokulabako kuco Alerita! Mwamona? Uyo muntu fye, ena alipanga inshila, ena lyonse aba muli iyo inshila. Kabili imwe bakabelenga wa Baibebe

muno bushiku mwishibe ukutila ico caba umwabela i Cebo, “nacilungama.” Bena lyonse balumbanya Lesa paco Acita, balelanda paco Ali nokucita, kibili ukulabako kuco Alecita. Ico cabafye emusango wa muntu.

³⁸ Umulandu bena bacitile ici, ba kafundisha, kwi tontonkanyo lyandi nomba: bena bailwile i Cebo, pantu bena bonse bacetekele muli Messiya uwaleisa. Israeli onse acetekel ico, bena balacita ico ne leelo. Lelo umulandu uwakutila bena tabamwishibe *Ena*, i Mbila Yakwe tayali umwabela ukulinga kwa bu shimapepo bwabo. Bena...ukupilibula kwabo uko bena bakwete ukwa Cebo, Messiya tailangishe umwine pa Lwakwe mu nshila iyo bena bapilibwilemo ukutila Ali nokucita ico. Eico, kibili eco, tabamwishibe Ena pantu Cena tacalingene neca kupilibula kwabo. Nga fintu Nalanda kunuma, kibili ndelanda nakabili, “Lesa tafwaya umuntu uuli onse ukupilibula i Cebo Cakwe. Ena ekapilibula UMWINE pa Lwakwe.”

³⁹ Nomba, Baibebe yatila...Lekeni nshininkishe kuli imwe ukutila ukutila ico e Cine. Esaya kasesema, imyaka imyanda cine lubali ne kumi limo na isano ilyo ici tacilacitika, Esaya kasesema atile, “Nacisungu akemita, kibili akafyala umwana.” Takuli ukutwishiaka ukwakutila umuntu onse muli ilya inkulo atontonkenye ukutila umwana umwanakashi wabo afwile ukuba ulya umwanakashi, pantu Esaya alandile ico. Lelo, mwamona, cena cali imyaka imyanda cine konse ku ntanshi. Lelo lintu...Lesa talefwaya umuntu nangu umo ukupilibula i Cebo Cakwe, lintu Ena ali nokucita ico, nangu ifyo Ena ali nokucita ico. Ena atile Ali nokucita ico, kibili Acitile ico!

⁴⁰ Lesa alaile ukutila Ena...mulya muli Esaya, pamo, Ndecetekela chapitala 28, palwa versi 18. Kibili pamo namuli Yoeli 2:28, ukutila munshiku shakulekelesha, imyaka amakana yabili iya kulekelesha, Ali nokupongolola u Mupashi Wakwe pa bantu bonse. Atile, “Abana benu abaume na banakashi bali nokusesema. Abalumendo benu bakamona ifimonwa. Abakalamba benu bakalota ifiloto.” Kibili ne fintu ifyo Ena ali nokucita, Esaya atile, “Mukumemensela kwa milomo yandi ne ndimo shimbi efyo Nkalandilamo kuli abaabantu, kibili uku e Kutusha.” Lelo bena tabakacumfwe Cena. Bapukwimye imitwe yabo nokwendela kuli Ico. Atile, “Amatebulo yonse ayakwa Lesa yakesulapo amalushi, kibili takwakabe nangu cimo ica wamishiwa.” Kibili nga cakutila ico te cikope ca Yerusalem, ne chalichi ica bulya ubushiku pa kwisa kwakwa Messiya, cina cikope cimo cine ileelo. Cena cileibwekeshapofye.

⁴¹ Nomba, lintu Lesa atile Ali nokucita icintu, Ali nokucita ico. Temulandu nefyo umuntu umbi engatontonkanya pali ico, ico umuntu onse alelanda, lintu Lesa alanda pa cintu cimo, Ena aliba no mulimo uwa kupilibula ico i Cebo UMWINE eka. Kibili nokushininkisha kwa Cebo Cakwe ekupilibula Kwakwe UMWINE. Moneni, ukushininkisha i Mbila iyakwa Messiya

Umwine. Ena alaile ico Messiya ali nokucita ilyo Aisa. Kibili lintu Ena aishile . . .

⁴² Nangufye lintu umuntu wa mano ku kabanga aloleshe pansi pakati kamasamba nakumboshi, ukufuma mulya muntu bali mu Babyloni, kibili bamwene ulutanda ulukalamba. Bushe mwalishiba ukutila takwaba ilyashi nangu lyena ilinono pa lyashi lya kale, tapaba nangu pamo, apakutila conse icakumwenamo bwino (apo bena nangufye basungila i—i—inshita ukupitila mu ntanda, umuntu umukalamba uwasambilile pali ishi intanda) . . . Takwabako ilyashi ilyakale ililanda ukutila ena pali bena alimwene ulutanda nakalya. Mulandu nshi? Cena tacapelwe kuli bena, bena tabaleolesha pacá ifyo. Lelo aba abamano balishibe ukutila kuli nokuba u Lutanda ulwakwa Yakobo ulukema, kibili bena bale Lufwaya, kibili Lwena lwapitila ukufuma pa nshita Yesu afyelwe mu Betelemu . . .

⁴³ Nomba, Nalishiba intambi shesu isha bwina Kristu, cena cabafye kwati ma chalichi yesu, yawkwata ifintu ifya fulungana. Imwe mwafuma pano kibili mwamona aba mano baisa nokupepa umwana; tamwabamo icintu caba ifyo mu Malembo. Imyaka ibili iyapitilepo kuntanshi, bafikile kulya ukupita mu malungu nokwabuka Umumana wa Tigris. Bena tabaishile mukupepa umwana umwaice, lelo umwana uwamyaka ibili iyakuyalwa. Mulandu nshi cabelele ifyo, pa nshita imoine, Herodi aikeye bonse abana ukufuma pa myaka ibili ukwisa pe samba? Ukutila ena engamwikata Messiya. Mwamona, bena . . . Lesa ashininkishe ukupitila mu Cebo Cakwe.

⁴⁴ Kibili lintu aba mano baishile ku Yerusalem . . . Ulutanda lwa batungulwile ku musumba uukalamba uwa bukapepa uwesonde, Yerusalem. Kibili lilya linefye baingile pali shilya impongolo, lulya ulutanda (ulwa maka yacilapo lulya ulwa batungulwile) lwakene ukubalangisha bena nakabili. Ükwenda pamuulu-na-pesamba aba abantu abasuma, abantu abakankala ne ngamali shabo isha fimbwa bwino, nefyaba ngefyo . . . ukwenda pamuulu-na-pesamba baletila, "Ali kwisa Ena uyo uufyelwe i Mfumu yaba Yuda. Twacimona ulutanda Lwakwe ku kabanga." Kibili na ulya umusumba uukalamba uwa bu kapepa, panuma ya myaka ibili iya Mbila yaba kacema, nangu cibe ifyo tabakwete ubwasuko nangu ukwishiha icili conse palwa Ico. Umukalamba uwa filonganino fyonsé takwete ubwasuko.

⁴⁵ Eico cafulungenye Sanhedrin, kibili baitile ba Kalemba ukwisa belenga. Kibili bena babelengele ilyashi lyakwa Mika, kasesema uyo uwatile, "Iwe we Betelemu, bushe iwe tauli uwacepeshapo pali ba cilolo bonse aba kwa Yuda (uwa cepeshapo), lelo ukufuma muli iwe mukafuma umulashi uyo uuli nokuteka abantu Bandi, Israeli." Kibili panuma ya Malembo yabelengwa (kibili pamo ukuba ayalangishiwa ku meno yabo), bena tabacipokelele Cena, nangula Amalembo yalandile ifyo.

Ndetwishika apakalamba nga kuti becita ifyo ileelo, nga cakutila Amalembo ayo ayalaiwa aya buno ubushiku kuti yaba ayasokololwa. Ine limbi tekuti nshimikile kuli imwe nakabili, lelo Ndefwaya imwe mumfwe ici. Nangu cibe ifyo tekuti bena bacetekele!

⁴⁶ Amano ayakalamba aya kwa Taata yalenga amano ya mutu ukuba aya buwelewele nganshi ukutila Ena acefy umuntu. Cena cilesa mukufika pa ncende iyakutila calenga umuntu ukumfwu uwa nsoni nganshi palwa ena umwine, kibili ena taba umukalamba uwafikapo icakutila kuti asumina ukutila ena “nalufyanya.” Ena atwalilila ukwikalafye ne lyashi lyakwe, temulandu nefyo Taata enga shininkisha ukutila i Cebo Cakwe ca cine kibili Alecitafye ico Alaile ukucita. Umuntu atontonkanya ukutila amano yakwe yaliba ayacilapo pali Lesa, nga cakutila cena tacishile umwabela amano yakwe “Malandu nshi, Cena tacaba ifyo.” Ico ca cine mu nkulo yonse, nangu cibe ifyo cilacita ifyo. Moneni ifyo umulandu onse wali uwaikatana, nomba?

⁴⁷ Kusubwa nshi ukwali kuli balya ba kacema! Ba Malaika ukwikila pansi ukwisa landa kuli ba kakumba, ba Malaika bakwa Lesa ukwisa landa kwi bumba ly ba kacema.

⁴⁸ Ndesunguka nga cakutila mwalikwatapo insambu isha—isha kulanda pamo na kacema nangu ukuba na umo, pa kashita akanono? Nga cakutila kuti mwacita, Ine—Ine nshilefwaya ukulanda cena pamulandu wa kulanda kwandi Ndepanga ukulanda panuma ya kashita akanono, lelo kacema ekala pamo ne mpaanga icakutila ena alaseka kwati ni mpaanga (ukulila), ena alalandia kwati ni mpaanga, kibili anunka kwati ni mpaanga. Ico nacilungama, pantu ena aba pamo ne mpaanga. Ico e conse fye ena aishiba, ni mpaanga shakwe.

⁴⁹ Nomba, i Cebo icashininkishiwa ica Cine. Lintu aba ba kacema, abashaba nangu cimo, aba shasambilila... We kucindikwa we, ifyo caba cena icalinga kuli kacema ukupokelela imfila iya mpaanga iya fyalwa iipy. Cena teti cibe ukuba pa cintu cimbi kanofye kacema. Uyo wine emulandu Afyalilwe mwi cinka, kibili te mu ng'anda. Impaanga tashifyalilwa mu ng'anda, nangu mu muputule uwa wamishiwa uwa mu cipatala. Mwamona? Shena shifyalilwa mu butala, kibili mu mpaanga.

⁵⁰ Uyo wine emulandu Ena *atungulwile* ukuya ku Kalbale. Iwe teti uleke impaanga ukwenda mu nshila ku cipailo. Bushe mwalishiba ico? Mulya mu ncende isha kwipailamo, balikwata imbushi iyo iitungulula impaanga. Kibili lintu yena yafika pa ncende apo bepaila, yena ilatoloka ukufuma kibili nokuleka impaanga ukutwalililapo. Impaanga ifwile yatungululwa, tekuti iitungulule iine yeka. Eico, eco, yena ifwile ukuba ni kacema uuleisa ku...mpaanga shakwe. Lintu basangile umwana wakwa Lesa bwino bwino apo inkcombe yalandile ukutila Ali nokuba,

kabili lintu basangile iyi i Mbila iya nkombe mu mulimba, bwino bwino fye palya ba Malaika batile Ena ali nokuba.

⁵¹ Nomba, Naumfwile abantu baletila, “Malaika alandile kuli ine, Atile, ‘cilya na cilya.’” Ifyo caba ica cabe cabe inshita shimo; kabili Nalyumfwa abantu balelanda ukutila Malaika alandile kuli bena, no kubeba “cilya na cilya” ico icali mukupwililika ica pusankoko ku Cebo. Nomba, Malaika kuti acita shani ico? Ico cena tacalifye ifyo. Kabili nga cakutila Lesa akweba *icintu-icintu* cimo cili nokucitika (iwe *watila* Ena akwebele ifyo), kabili cakana ukucitika, nomba cena tacali ni Lesa uwalelanda kuli iwe. Ibukishafye, ico nacilungama. Lesa tabepa. Ena tasangwamo mu bufi.

⁵² Lintu basangile Umwana, wekusangalala we ifyo kwali kuli bena. Pantu Malaika ulya uwapele imfila, bena basangile yena bwino bwino fye mu nshila iyo Malaika alandilemo cena ukuba, kabili pancendefye palya pene apo Malaika alandile ukutila ali nokuba. We cintu we ico ifyo cali kuli bena!

⁵³ Mu mulimba, mulandu nshi? Moneni ifyo aba bakakumba bali ababula ubwafya mu mulimba? Cinshi ico iwe uletontonkanya kasambilila wafya mapepo ali nokuba mulya? Ena nga alifimbile pa mona wakwe, nokutila, “Mfumyeni muli ino incende.” Mwamona? Ena nga taumfwile bwino muli ilya incende, nga ali mu bulanda.

⁵⁴ Lelo, mwamona, ena alifye “uwaumfwa bwino” kuli ba kacema. Lesa alishiba ukwa kutuma i Mbila Yakwe. Mwamona? Califye bwino bwino icalungama. Muli iyi imibele iyo ba kacema balimo nomba, mwicinka lyabo pamo ne Mpaanga yabo, i Mbila iyashininkishiwa intu bena baumfwile. Ifyo caba icawama! Mukubapo ukwakwa Messiya, i Cebo ica shininkishiwa ica Mbila yabo. Lintu bakacema baumfwile ukutila Messiya ali pe sonde, kabili baishile na mukubapo Kwakwe, mulya mwine mu ncende yaboine, (nokusanga i Mbila ukuba iya cine, yashininkishiwe mulya) ifyo ico calengèle balya abantu ukumfwa, pakusanga ukutila Lesa acitile ici cintu icikalamba kuli bena.

⁵⁵ Mulandu nshi, ba kasambilila bena nga balifumine apakalamba nganshi muli ilya incende, pesamba lya ficitwa filya, bena nga bafumine palya pene bwangu bwangu. Mulandu nshi? I Nkombe yaishile kuli ba kakumba abasulwa. Limbi bena nga tabacitile nangu fye...ifi...Bamo pali aba ba kakumba bena nga tabalembele amashina yabo yene, aba twishika nganshi. Namwishiba ba kakumba balya Yesu asalile lintu Ali pano pe sonde ukukumba impaanga Shakwe, “Walintemwisha Ine, iwe Petro, ukucila pali aba?”

⁵⁶ “Ee, Shikulu, Imwe mwalishiba Ine nalimitewa Imwe.”

⁵⁷ “Lisha impaanga Shandi.” Kibili Baibele yatila Petro ali umutuutu kibili umuntu uushasambilila. Ukutwalilapofye ukusala ba kakumba.

⁵⁸ Ba membala wa chalichi muli shilya inshiku shapita, kibili naba shimapopo, ne bumba ilya kanshiwa bwino muli bulya ubushiku bena nga tabaumfwile bwino mu mulimba. Nomba, Ine nshili uwashininkisha bwino ukutila imwe mwe bengi kuti mwakutuluka (limbi, imwe mwe bantu bamu musumba) kwati ifyo umulimba wamu Yudea walenunka, nefyo wena walemoneka, ilyo inama shamuli ulya umulimba, kibili nefyo cali nokuba. Mulandu nshi, ifyo aba abapa muulu ba leelo bengaba abashaumfwa mulya, bena—bena tekuti bengile napa mwinshi. Lelo casekeshe Lesa, ukupitila mu mano Yakwe ayasangwa konse konse, ukusokolola Cena kuli balya ababa filya ukuba abapokelela Cena. Ba kasambilila, naba mano aba muli bulya ubushiku bena icine cine nga tabapokelele Cena. Bena nga baumfwile ukuba abasulwa nganshi ukusangwa mu ncende iyaba filya.

⁵⁹ Mulandu nshi, mukubalilapo, nga cakutila bena baile ku chalichi cabو, kibili nokushininkisha ukutila balisangilwe ku kulongana kwa filya, kibili nokucetekela ibumba lyaba kacema aba shasambilila ukuleta imibele ya ifyo, bena nga balibafumishe kwi senge ukufuma mu chalichi cabو. Bena nga batamfiwe ukufuma mwi bumba lya bantu aba mu Betelehemu, nga cakutila basangilwe balekutika kwi bumba lya bantu ababa ifyo abashasambilila ngeffyo aba ba kacema bali. Abasulwa, bena icine cine ngeffyo bali. Nga cakutila bali abaumfwana pamo na bantu basulwa filya, kibili ukuba...ukupokelela ifya bufi ifyaba filya ngeffya kucetekela ukutila Lesa ali nokuleta i Mbila Yakwe kwi bumba ilya ba shasambilila ilya ba kacema, lintu bena bakwete ifintu fyonse ifyapekanishiwa pali ico. Bena nga balufishe bumembala bwabo, bena nga bapele amapepala yabo, kibili bena nga tabali naba kwishibikwa pakati ka bantu aba mu mabumba yabo aya bulya bushiku; pantu bena baumfwene pamo ne cintu icaba ifyo, kibili pakukanaba na mano ayawama.

⁶⁰ “Kuti caba shani imwe!” shimapopo nga alandile ukutila. “Imwe mwaisa mu ncende yandi iya mushilo pano nefya bufi ifyaba ifyo, pamo nefya buwelewele ifyaba ifyo, ukutila abantu ba mu mpaanga bamo ukufuma mulya abo abashaba... abashapita namu...ukupitila mu yakubalilapo. Kibili kuti kwaba ukucetekela imbila yaba ifyo, iyakutila, ‘Malaika aikile nokulanda kuli bena?’”

⁶¹ Lelo nga cakutila umuntu alandile ukuti, “Namwene i Mbila yakwe yalangishiwa”?

⁶² Ena nga atila, “Leka bwangu bwangu inkupele amapepala yobe. Kibili fuma muli aba bantu!” Inshita shilacinja, lelo

abantu tabacinja. Cena limbi nga tekuti cena cicitike nakabili ileelo, bena nga batamfiwefye ukufuma mumu chalichi yabo.

⁶³ Lelo ba kacema baumfwile mukupwiliika aba shaumfwia ububi muli ilya incende pa Mpaanga yakwa Lesa. Kibili na kacema umusuma onse acita icintu cimo cine. Lintu kacema umusuma uwa pa mpaanga kuti amona i Cebo cakwa Lesa calangwa pa mbilibili kibili cashininkishiwa, ukufuma muli cilya Alaile ukucita, ulya kacema ali bwino pa ng'anda. Nshilesakamana ico umuntu onse umbi engalanda, kuli "Lesa uwahaya Ico, kibili Lesa acitile Ico."

⁶⁴ Bena batile, "Inshiku sha fisungusho shalipita. Takwaba icintu icaba ngefyo ngo ku Batishiwa ukwa ku Mupashi. Takwaba icintu icaba ngefyo ngo ku Batishiwa ukwa ku Mupashi wa Mushilo, ico cali ku batumwa."

⁶⁵ Lelo lekeni kacema uwa cine uwa Cebo ashimikile Cena, mumaka ayakubuka, ukutila Yesu Kristu aba cimo cine mailo, ileelo, no muyayaya! Petro atile pa bushiku bwa Pentecosti, "Ubulayo buli kuli imwe, kibili naku bana benu, nakuli bena abo ababa ukutali, nangufye abengi abo Shikulu Lesa ali nokwita." Konse uko Ali nokwita, ubulayo na mapalo yamo yene ya cine. Kibili lekeni umutuntulu kacema uulisha i Cebo amone ico icashininkishiwa, bonse abasambilila ifya mapepo mwi sonde teti ba Cipokolole ukufuma kuli ena; pantu ena alishiba ukutila Lesa efyo alanda ifyo, kibili cena cilacitika. Epela. Cena cabafye Cebo cakwa Lesa lyonse. I Cebo cakwe calengelwe umubili kibili caikele pakati kabo, kibili bena tabacishibe Cena.

⁶⁶ Alaya icintu cimo cine muli buno bushiku. Ine ndesunguka nga cakutila ifwe kuti twa Cishiba? Aba yumfwia naba mano bena tabapokelele icintu caba nga filya. Kibili bena bacetekele nga cakutila kwaliba icintu caba nga Messiya pe sonde, Cena nga caishile icine cine ku cilonganino cabu. Cena nga cali ibumba lyabo nga lyali Cipokelele, nangu "Cena tacali icalungama." Nomba, tontonkanyenifye pa maka. Nga cakutila cena tacali mwibumba lyabo, nomba... Bushe mwacimona, nomba? Lesa tatalile asalapo umo ukufuma mwibumba lyabo, lelo Asalile balya abashali aba suntinkana pamo na conse ica ico. Pantu ibumba limo nga lyalandile ukutila, "Mwamona ico acitile?" Kibili bena kuti bacita icintu cimo ileelo. Lelo Lesa asala balya bene abashaba nangu cimo, uyo wine emulandu Asalile ba kacema. Bakacema mukupwiliika balyumfwile bwino ne mpaanga yakwa Lesa ukuba pakati kabo, i Cebo Cakwe ukulengwa umubili pakati kabo. Aba yumfwia naba mano tabatalile abapokelela Ico, capitilile pali bena.

⁶⁷ Kibili kuti twalanda ifintu ifingi pabwa leelo, nangu mu nkulo iili yonse. Cena cali ifintu fimo fine mu nshiku shakwa Martin Luther. Icintu cimo cine mu nshiku shakwa John Wesley.

Cena cali cimo cine mu nshiku shaba Pentecosti. Lelo Lesa teminina pakabungwe ka muntu! Ena alensha u Mupashi Wakwe bwino ku kushininkisha i Cebo Cakwe! Cena cali nokuba no kwisa mwi bumba lyabo line ilya cisaka nangu bena nga tabapokelele Ico. Nga fintu bena baba abamaka abaipelesha ku bufwayo bwabo ileelo, yonse ama chalichi, ukutila bena bali “nokucita icaba filya-kabili-icaba filya, nokuleta pamo yonse ama chalichi.” Nga cakutila bena balefwaya inkcombe nomba, iyo iinga leta pamo bonse ba Protestant, ba Katolika naba Orthodox, ifintu fyonse capamo, ukupanga cimo ichalichi icikalamba.

⁶⁸ Nomba, ba munyina ne, Ine nalikwata insambu isha kushimikila ku myanda iya bukapepa ubwa lekana lekana, kibili kwaliba umuntu umusuma muli yonse ayo. Lelo nomba, ibukisheni, Ndesesema, “Konse akabungwe kali nokupokelela ici, nangu takali nokuba akabungwe. Cena cilemipatikisha.” Bushe imwe namubelenga i pepala lyaku Tucson ileelo umo ba shimapopo ba Katolika baleafwilisha ukulashika, mwi pepala...baleafwilisha ukulashika, mu Missourri, shimapopo waba Protestant? Kibili nikuli nani uko cena caishibikwe ico? Kuli ba Presbyterian, ba Baptisti, ba Lutherani, ba Assemblies of God. Cena cili mwi pepala lya Tucson ileelo.

⁶⁹ Oh, cena cakusungusha! Te muntu uuli mulya, cena ni balya ba kapepa, abakalamba bamu buteko ebapilibwile icintu mulya, imibombele imo iyo iiposa iwe muli cena nangula ulefwaya nangu taulefwaya. Iwe tekuti ube akabungwe nokubutuka ubu ubukali ubo ubuleisa pe sonde, kibili mulemona nga cakutila ico tacili ica lungama. Ine limbi ndi nokusendwa lintu cena cikalacitika, imwe mukaloleshe pali tepu imo pali aya. Kibili nomba nga cakutila tacakacitike, Ndi nte yabufi. Nga cakutila cena cikaba, Ine ninshi ninanda i Cine.

⁷⁰ Bena kuti baita Cena “umusango umo uwa mibombele ya mupashi uwa kobela” ukulola ku kutontonkanya kwabo ukutuntulu. Mulomfwa ifingi nganshi ileelo palwa kutontonkanya ukutuntulu: imwe mubikafye amano yenu pa cintu icili conse, nokutontonkanya bwino pali cena. Ciwa kuti acita ico! Kulifye icintu cimo ico iciteka pali fyonse, kibili neco Cebo cakwa Lesa. Nga cakutila iwe uletontonkanya ica pusanako ku Cebo, labako ukutontonkanya kobe. Tontonkanyeni pa Cebo.

⁷¹ “Messiya,” bena batontonkenye, “tekuti asangwe mu ncende yaba filya, iyabipa nga filya.”

⁷² Bushe kuti mwaingililamo umusuma, shimapopo umukalamba, nangu shimapopo, bonse abaishibisha mufya mapepo, kuti aisa mu mulimba umwiswile citindi? Kibili nokupokelela i Mbila iya mulanda, kacema uushaba nangu cimo ulya uushawkwata na masambililo, kibili kuti aisa atila

“Mwamona, Ine kuti nashininkisha Ico kuli imwe ukutila, uyu e Mwana, uyu wine e Nkombe”?

⁷³ Kibili namewishiba ico balya abantu bengalanda? “Umuntu wa cishinka, ena ali uwa cishinka muco Alelanda, lelo ena mukupwililika naluba!”

⁷⁴ Nalimona abantu abekala ubwikashi ubwaba ubusuma nga bulya mpaka abantu bakana ukucetekela, bakana ukulandapo icintu icili conse pali bena, lelo bena batila “Ena mucishinka ali uwaluba. Ena teshibefye neco alelandapo. Lesa, Ena tekuti acite icintu icaba nga cilya.”

⁷⁵ Lelo pano alikwete ica kushininkisha! Kibili panuma yaca kushininkisha, “Baile mulya mu mulimba nokumona nga cakutila ulya Umwana talele mulya.”

⁷⁶ Bena batile, “Iwe nabakulowa ku mipashi imo iyabipa, iyo iilengele iwe ukulanda ifyaba ifyo.” Cibe cena cali umwabelia i Cebo cakwa Lesa! Kibili bena bali impofu kukumona Ico, pantu ukusambilila kwa bukapepa kwabo kwabalengele ukuba impofu. Weca busango we!

⁷⁷ “Ukusangwa mu ncende yafilya? Mucabipa icaba ngefi ici cali? Mu mulimba?” Lintu bena bakwete incende isha wama ishakutila Ena aisamo, bena baliwemye ifintu fyonsé ifyakutila Ena aisa, kibili nomba nokutontonkanya ukutila Ena ali nokwikila panshi (kibili nokuya) kibili nokukana leta bakafundisha babo mu Mbila. “Kibili noku Cipela kwibumba lyaba kacema aba shasambilila? Kibili nomba nokuleta Umwana Wakwe wine, nokuleka Ena ukufyalilwa mu—mulimba? Umwasulwa mu mulimba uwa congo? Ukuba, mu—mukondo wa fyani? Mulandu nshi, cena tacali nokuba ifyo!” Bena bakene uku Cicetekela, pantu Cena cali icasulwa nganshi.

⁷⁸ Kibili Cilifye ica anguka nganshi, ifyo efyo abamano lyonse tabaposako amano kuli Cena. Cena cabafye ica anguka nganshi, Cena cilabasungusha bena. Bena balefwaya inshila yakwa Lesa kulya, lintu Ena ali pano pene. Mwamona? Bena baleolesha pa cintu cimo icali kwi shilya kulya ukutali, lintu cena cili pano pene pamo na bena nomba: Kristu, abukile ukufuma ku bafwa, umowine mailo, ileelo, no muyayaya.

⁷⁹ Fyonse ifintu fyabo ifikalamba fyalicililwe. Lelo cena icine cine cali e Cine, icakutila “kwali Messiya.” Twalishiba ico ileelo. Twalicetekela ico ileelo. Twalipokelela ico ileelo.

⁸⁰ Lelo nomba nga cakutila Lesa alaile icintu cimo pali ici Ichiminshi minshi, alaile icintu cimo ica muli buno bushiku, kibili ashininkisha ukutila Cena cili ifyo, kibili twafumako kuli Ico, ifwe ninshi tulifye mwibumba limo line ilyo bena balimo (ukubwelela kulya pali bulya ubushiku) lilya ilya cilile Ico; pantu Cena tacaba—tacishila mukufwaya kwesu ukwa cilonganino. Uyo wine emulandu ifwe tuli muli ici icabipa ica cino Ichiminshi minshi.

⁸¹ Yesu Kristu tafwa, Ena wa mweo. Ena ali pano ileelo! Baibebe itila, “Ena aba cimo cine mailo, ileelo, nomuyayaya.” Atile, muli Yohane Washila 14:12, “Uyo uwacetekela muli Ine...” (te uyo upanga-ukucetekela, uyo *uulanda* ukuti alicetekela) “Uyo uwacetekela muli Ine, imilimo iyo Ncita nao akacita. Kibili ukucila pali ifi ena akacita, pantu Ndeya kuli Taata.” Kibili Nali Mumona, mumweo wandi nemwine, ukucita imilimo imo ine (iyo Acitile lilya) ukucila ifyalembwa mumabula ya iyi Baibebe. Kibili cilacilila umutwe wabamano ileelo, nokusokolwela kutunya ngo to twingasambilila; ngefyo Yesu apepele. Cena cishinka, Ena alicita ifingi ukucila Ena... Nalimona mubushiku bwandi, pa myaka yandi amakumi yatatu na itatu iya bukapyunga, Nali Mumona ukucita ifingi ukucila ifyo Nabelenga pali Ena ukucita muli Baibebe; icintu cimo cine.

⁸² Lelo te mulandu ifyo Ena acitile lilya, bushe muletontonkanya ukutila ba Sanhedrin bali Mucetekele? “Ukuba,” batile, “nabakulowa.” Lelo, wasanga, apo bapangile impuso kusanga ukutila...mukusanga, tefyo ificetekelo fyabo fyalandia, lelo ifyo i Cebo casosa ifyo Messiya akacita mubushiku bwabo. Kibili palya epo tupanga icilubo ileelo, ukukanafwaya Amalembo. Yesu alibebele ukutila, “Fwayeni mu Malembo, muli Yena mutontonkanya ukutila mwalikwata Umweo wa Muyayaya, kibili Yena Eya pela ubunte pali Ine. Yalamweba ifyo Ine Naba.”

⁸³ Moneni, Lesa alishibile libela ukuti bena bacita ici, uyo wine *emulandu* Ena a Citwele kuli bakacema. Alishibe ukuti tekuti baciecite, bena tekuti ba Cipokelele. Nomba mwamona efyo cabelele bakacema? Mulandu nshi cabelele bakacema? Abamasambililo yamipepele nefisumino tekuti ba Cipokelele. Mulandu nshi cabelele bakacema nakabili? Bushe kuti Caleta icapusana ne Cebo Cakwe? Iyo! Bena bali nibakacema, bena balishibe impaanga; kibili ifyo efyo Ena afyelwe, impaanga, impaanga. Moneni, Ena ali Mwana wa mpaanga. Bena bali—ben a bali umusango umofye uwinka Musumina. Kacema ali icintufye ceka icingasumina Umwana wa mpaanga. Bena balishibe ifya ku Musunga, kibili ifyo efyo caba neleelo ilyo twapokelela i Mbila ya Mwana wa mpaanga.

⁸⁴ Nomba icakuma! Uwapetama ngamshi, uwabula ukusambilila umuntu alepepa Emmanuel mumulimba. Abengi... Kibili kwaliko abantu kunse kulya, munshiku shimo shine, balesambilisha amasambililo yabo ayafyamipepele. Amabumba ayakalamba, ukufuma konse konse, ukufuma mumpanga yonse, baisa kumalumbo ayo Yehovah atile uali, “ifyanunka mumyonna Yakwe.” Kibili pano pali bakacema abapetama, mu mulimba, ukupepa Emmanuel; Lesa Umwine ukulengwa mu mubili, kibili nalala mumulimba. Mwamona, ifyo ifwe nokusambilila ukukalamba, nomutwe wesu naufuma kunuma kwati twalishiba icintu cimo, kibili Lesa apitilila

icintu conse. Mwamona? Alacita ifyo Alaya ukucita, kibili Ena lyonse alacita ico. Lelo tontonkanyeni pali aba bakacema kunse kulya nomba balepepa Emman-...Emmanuele mumulimba. Cili icakupuma. Mucine cena efyo caba!

⁸⁵ Nomba ukufuma...Panuma ba Mupepa, nokwiluka ukuti i Mbila iyo baleshimikila yali iyashininkishiwa, apo bena bali...bali kunse balepepa Lesa ne Mbila iyapapusha iyakwa Malaika. Nomba pashanyeni ico neleelo. Imininenifye pali miniti nokutontonkanya. Umuntu kunse alepepa Lesa, noku Mulumbanya pafyo bena bamwene, ifyo bena baumfwile, ifyo bena baishibe ukuti ecali Cine, ne Mbila iyali iyakupapusha ngamshi kumano yamasambililo. Yali iyapusana ku kutontonkanya konse ukwa bukapepa, lelo nomba cali Icine! Cena Cine! Bena bali Cicetekele. Kibili nomba, ifyo amano yamuntu yaba ayabuwelewele! Elyo ukulanda ukutila ba Malaika bakemba baimbile kuli bena noweli iyakubalilapo. Bushe kuti mwaelenganya ico? Ukutila kacema uyo ushaishibe nokulemba ishina lyakwe, alenunsha nge cilembe campaanga, aleenda mumusebo, nokulapunda ukutila, “Ubukata kuli Lesa Uwapulamo! Ifwe twalishiba ukutila Ena ali pesonde!”

⁸⁶ Shimapepo atile, “Ulya muntu nafulungana. Lolesheni pa mabuuku nokumona nga cakutila ena nimembala walukuta lwesu. Alanenga insoni nokufundisha kwakwe ukwabula ukukonka umutamde. Mufumyeni kuli ifwe. Tatwakabe ne nsoni pakati ka bantu.”

⁸⁷ Ukuba, imwe kuti mwalengwa ukusebana pakati ka bantu no kucindamikwa mu cinsö cakwa Lesa; nangu pangeni ukusala kwenu, pantu, ibukishemi, ukusonda kwabukapepa ukwabushiku takwalinga i Cebo cakwa Lesa. Takwaba ba myanda pabula na makumi mutanda na pabula abasonda ifyapusana ifya Cena. Cena kusonda kumo, i Cebo cimo, Lesa umo. Epelafye.

⁸⁸ Ukulanda ukutila ba Malaika baimbile ulwimbo ulwakubalilapo kuli bena, kibili nacimbi ukulanda ukutila bena “balikwata i Mbila ukufuma kuli Malaika.” Malaika amonekele kuli bena, alibapele i Mbila, kibili baile nokusanga ukuti i Mbila yaali Icine. Kibili ukulanda ukutila, “Nakuba, Malaika aimbile ulwimbo ulwakubalilapo kuli ifwe.”

⁸⁹ “Bushe kuti mwaelenganya?” Bena batila, “Ulya muntu umubusu.” Bena nga tabatalile abakwata icintu icili conse nga cilya ukucitika pakati kabø, namwishiba, eico cali nge sambilisho ilyeni kuli bena. Kibili ulya emulandu wine bena tekuti ba Cisange mu Malembo, tacali kuli bena uku Cisanga. Icakupapusha kubamano, tabatalile abapita mucamusango ngoyo. Cakufilwa ukusumina, lelo Cena cali Cine. Cena Cine, twalishiba ukutila Cena Cine. Tontonkanyeni! Ababalilepo

ukucetekela Kristu bali nibakacema, tebashimapepo; bakacema, bakakumba. Mulandu nshi cabelele bakacema?

⁹⁰ Moneni! Ukulumbanya no kukatamika Lesa pafyo bamwene nokumfwa, baumfwile Abangeli baleimbila umuntu umuku wakubalilapo. Abangeli tabatalile abembilapo umuntunse kunuma uko. Kibili lolesheni bakemba, ifyo baiminine nokukansha kibili ukukamsha yalya mashiwi, “bali nokwimba kukufyalwa kwakwa Messsiya,” kibili bonse balibacilile! Kibili ba Malaika balikile pansi nokwimbila bakacema bafye, abashafwele insapato shabushimapepo, lelo bafwele ifyakufwala fyabakacema. Kibili moneni abapokelele i Mbila yakubalilapo, cena cakupapusha.

⁹¹ Kibili uko yapelwe, temu ma chalichi yaba bishopo bakalamba, lelo mumatololo, mulya mumatololo umo Malaika wakwa Shikulu aishile. Te muchalichi, mumatololo. Ena tali nangu uwasengelwa muchalichi. Bena batontonkenye ukutila Ena aali, kibili bena batontonkenye ukutila bena balicikwete Cena, lelo Lesa ashininkishe ukutila cena cali cilubo. “Ena aliba uwalinga kuli aya mabwe ukwimya abana kuli Abrahamu.” Ico nacilungama.

⁹² Umuku wakubalilapo uo ba Malaika baimbile nimukusefya, cali mu Muulu. Nga muli nokumona muli Yobo 38:7, (ngefyo Ndemonia bamo muli imwe mulelemba ifintu), ilyo Lesa atantike intanshi pakupanga ifibumbwa Fyakwe ifya ntanshi, isonde. Yobo aali umukalamba, umuntu uwacenjela, kibili alikwete amano ayamisango yonse. Atile, “Ilyo Naya ku mishika, abalumendo bacilolo, bakalamfukamina, kibili bakaafwaya akapimfyia kamano yandi.” Kibili alifililwe ukusanga umulandu balemucitura ifyo balemucita.

⁹³ Kibili eico Lesa alimwipwishe, atile, “Ifwike we mwine ngo mwaume, pantu Ndi nokwisa mukulanda kuli iwe.” Kibili ilyo Lesa aikile muli kankungwe, Ena atile, “Yobo, walikwi lintu Ine nali nshilabika imifula ye sonde? Ilyo intanda sha lucelo shaimbile capamo, kibili nabana bakwa Lesa babilikishe kunsansa, nikwisa uko wali lilya, Yobo?” Kibili ena aliicesheshe pali ilya nshita. “Nikwisa uko wali?”

⁹⁴ Mwamona, inshita ya kubalilapo ba Malaika baimbilepo kukusefya, cali nimu Muulu. Lelo inshita yakubalilapo bena baimbile pe sonde, yali kulibakacema pakufyalwa kwakwa Lesa, Emmanuel pe sonde; ebantunse bakubalilapo abaumfwilepo ukwimba kwaba Malaika, bali nibakacema abapetama.

⁹⁵ Ilyo twasenda abanakashi besu abapenta, imishishi iyabeyewa, nabafwala bakaputula, kibili nokubelebesha uwapala umwingila wakuchalichi, nokwiminina nokwimba ngecintu cimo, kibili tuletontonkanya ukutila Lesa alingile ukumfwa kuli uko kwimba? Ena alikwata ba Malaika kunuma kulya abo abenga Musansamussha ukutula i...ilyo Ena

talati apange umuntunse. Uh-huh. Fumenimo nokwikala... nokufwala ifyakufwala ifyamuselu kuli Lesa, kibili kuti mwasubila shani ico ukuba icakwa Lesa? Mwatila, "Ukuba, Ndi waku..."

⁹⁶ "Wali kwisa ilyo Nabikile imifula yesonde? Njeba Ine uko Naikakile. Waba kwisa umusomali uo yena ipilibukilako? Wali kwisa pali ilya nshita?" Muletontonkanya ukutila Lesa alingile ukutulomba amano yesu yamo. Amano yesu ya buwelewele kuli Ena. Acita ifyo Alanda ukuti Akacita.

⁹⁷ Nomba moneni, Lesa aleteyanya ukupanga ifibumbwa fimbi. Ena apangile isonde ilifwa, umweo uuufwa. Ba Malaika balemba mu Muulu. Lelo pano Ena alepanga Umweo upya, Umweo wa Muyayaya uwamuntu, kibili Ena aleimba ku bantu Bakwe ukupitila muli ba Malaika; pesonde, te mu Muulu. Umuulu wali no Mweo wa Muyayaya. Mwamona? Kibili Ena alimbile... bena baimbile ku Myulu, ilyo ububumbo ubufwa bwaingilemo; kibili pano ifibumbwa ifishifwa fileisamo, kibili nomba fileimba kubantu aba pesonde. Umuku wakubaliapo, kuli bakacema. Cakusungusha, teifyo fine?

⁹⁸ Ena atendeke ububumbo bupya. Bwena bwali ni cinshi? Ukuibumba Umwine. Lesa apangilwe umubili nokwikala pakati kesu. Ico ni... Baibele itila, "Mukutendeka kwabubumbo bwakwa Lesa." Lesa abumbilwe mumusango wabantu; muli Yesu Kristu, Umwana Wakwe, umo Lesa aikele. Akulile ihema Lyakwe ilya munofu namafupa, kibili aikele muli lilye hema; Lesa, *Emmanuele*, "Lesa ali naifwe." Ena aikulile Umwine ing'anda, umwakwikala, pakutila Ena engalangisha i Cebo Cakwe ku bantu Bakwe ukupitila muli ico. Mwishiba ifyo Lesa aba, ilyo mwamona Kristu.

⁹⁹ Ibukisheni, lyonse kulaba ukwimba pakufyalwa kwamfumu. Nibanga abaishiba ico? Mucine, mwalishibe. Cisuma, nomba, bushe muletontonkanya nga cakutila iyi Mfumu nga yalifyalwa kulya lubali, namayo kuti aisa alebutuka muchalichi cikalamba umusangwa ba bishopo kuncende imo, nokutila, "Anshikene ubusansi mukwangufyanya, nokusenda ba dokota, pantu Ndeleeta Emmanuele pesonde"? Namayo umubusu ukufuma ku Nazareti, umusumba uwashalikishako, i... iiyabula ukwishihibikwa ukucila Tucson nangu yambi pali yena, kibili nomba uyu namayo umunono abutukile kuli shimapopo mukalamba nokutila, "Nde—Ndeiteyanya ukufyalwa kwakwa Emmanuele." Bena kuti bamuposa mucifungo. Bena mucine kuti bacita. Bena mucine kuti bacita. Pakuleta isambilisho lyabufi ilyamusango ngoyo pabantu, ena nga tacisuminishe. Nangula lileelo tekuti asuminishe ico. Lelo cimo cinefye icilecitika, umusango umo wine.

¹⁰⁰ Moneni, kufwile kwaba no kwimba. Imfumu shali... Ena nga tabamwimbile. Abantu nga tabamwimbile Ena, pantu taba

Mucetekele. Kibili ulya e mulandu wine...Ici Cileisa, imwe kuti cawama uku Cumfwa. Uyo wine emulandu ileelo abantu babela nensoni ukulumbanya Lesa, bena balomfwila insoni Kristu! Ama chalichi ayakalamba tayakapokelele Ulubatisho lwa Mupashi wa Mushilo, bena balikosa munshila shabo ishabukapepa icakutila tekuti ba Cipokelele. Lesa ali nokusanga umuntu umo uo Enga lumbanishiwamo. “Ena aliba uwalinga ku mabwe ukwimya abana kuli Abrahamu,” ngefyo Ndeambula Yohane nakabili.

¹⁰¹ Moneni, abantu Bakwe balingile uku Mwimbila. Kibili na bantu Bakwe lyena baali ba Malaika Bakwe, kibili baimbile bakacema Bakwe abo abali nokutwala i Mbila Yakwe.

¹⁰² Ni nani uulingile uku Cumfwa intanshi? Mucine, abantu Bakwe. Ico ni abo abengomfwua ukwimba kwa Mfumu intanshi, kuti caba abantu Bakwe. Kibili abantu Bakwe bali nibani? Capala nge cakuma, bushe tefyo cili, ba munyina? Te bashimapopo Bakwe. Cena tacali bakasambilila wa fyabulesa. Ico nacilungama. Cena tacali abantu abamuflonganino. Iyo, cali nibakacema. Mulandunshi? Kwaliko impaanga iyafyelwe, ulya e mulandu wine. Mwamona? Abantu bakwe bali Cumfwile, abo Lesa aishibe ukuti bali nokucetekela. Lesa atumine i Mbila Yakwe kuli abo abenga Icetekela. Ena mano yonse; Alishiba ukwakutuma i Mbila Yakwe, abenga Icetekela. Umuulu Uwashalikishapo watuminwe kuwashalikishako umuntu pesonde.

¹⁰³ Yesu atile, muli Mateo 5, “Balipalwa abalanda ku mupashi, pantu Ubufumu bwamu Muulu bwabo.” Maliya, mu...Nga cakutila mulelemba Amalembo, ico nimuli Mateo 5. Kibili nga cakutila mulelemba Amalembo...Ico eco Nembele pano, mu Malembo.

¹⁰⁴ Maliya atile, muli Luka 1:52, lintu asubilwe no Mupashi, Mupashi wa Mushilo aali pali ena, atile, “Alisumbula bonse abamibele ya panshi.” Maliya efyo alandile ifyo, nyina wakwa Yesu, atile, “Ena asumbula bonse aba mibebe ya panshi.”

¹⁰⁵ Luka nao pamo atile, “Abantu basulwa bamumfwile Ena nensansa.” Taba—taba sambilila, aba—aba abasambilila ifya mapepo, ba dokota wamafunde kibili aba fya mupashi; lelo abantu abasulwa bamumfwile Ena nensansa, abantu abali nemibebe ya panshi.

¹⁰⁶ Ukupita monse mu Malembo ya mushilo, i Mbila ya bulubulo yapelwe naba kacema kibili ukupitila mu mpaanga.

¹⁰⁷ Nomba Mfwile naisa kukwisalila, pantu natukwata inshita yakwisalila. Napitilila Amalembo ayengi pakuti Imitwale kuli ili itontonkanyo.

¹⁰⁸ Ukupita monse mu Malembo, ubulubulo bwalimininwako ukupitila muli ba kasesema ne mpaanga. Ico nacilungama. Tulesumina bonse kuli ico. Mulandu nshi? Cena cali

mucinshingwa namu kupashanya. Kibili necili conse... Nga cakutila Nshatala monapo ukuboko kwandi, kibili Nalolesha pansi pano pa cinshingwa ca kuboko kwandi, kibili Namona ukutila Nakwata iminwe isano, Ine kuti naishiba ukutila cena cakulangisha; icishili icituntulu ukulangisha icituntulu. Kibili uyo wine emulandu i Mbila yonse yaishile ku... bulubulo ukupitila mu mpaanga, pantu ukufumafye ku kutendeka kulya kwine... Kibili kwena kwali ukupitila mu mpaanga, kibili namuli ba kacema, ukutila Ena aisokolwele Umwine eka. Fyonse fyali finshingwa kibili ifya kupashanya.

¹⁰⁹ Nomba lekeni tuloleshe ku kutendeka. Adamu na Efa, baiminine kulya mukubapo kwakwa Lesa ukumfwa i Mbila Yakwe kuli bena, baikakile mu misana yabo impapa sha mpaanga. I Mbila ya kubalilapo iyo iishatalile ayumfwika, yapelwe pa muulu ya mpapa ya mpaanga iyafwa, ukutila Lesa aipeye nokupomba Adamu na Efa muli yena. Panuma bena baeseshe ukupanga bukapepa bwabo ubwa mabula ya mukunyu, cena tacabombele. Ilambo lya mpaanga elyacitilwe nge cikonsolwelo ukutulafye kuli kulya kwine ukutendeka, ilambo lya mpaanga.

¹¹⁰ Nomba, twalaisalila ici nomba, nokumilangisha umulandu cena cabelele ba kacema; kibili nomulandu cena cabelele, Ena ali nokuba impaanga.

¹¹¹ Nomba, ba kasesema bamu Cipangano Cakale balefwala abene impapa sha mpaanga (twalishiba ico, uh-huh), ukulangisha icicetekelo cabu mu Cebo Cakwe icawkisa kwa Mpaanga iya pwililika. Uyo wine emulandu cabelba kasesema.

¹¹² Nomba, i Cebo cakwa Lesa tacisa kubasambilila ifyamipepele, takwaba iyo... ena—ena e umo uulufyanya Cena. Ico nacilungama. Takwaba icintu caba ifyo nge cakulanda... Iwe ukulanda ukutila, “Ukuba, uyu umuntu ni kasambilila wa mipepele.” Ico cimusunkilafye ukutali ukufuma ku Cebo ukucila icintu conse ico Naishibapo. Mwamona? I Cebo cakwa Shikulu Lesa, Lesa uushicinja, ena tacinja. Monse muli Baibele, i Cebo cakwa Lesa lyonse caleisa kuli ba kasesema. Tekuba sambilila pamipepele nangu ba dokota, kuli ba kasesema! Kibili bena lyonse, inshita yonse, bali abakanwa kibili abasulwa.

¹¹³ Ba kasesema nabo ilingi line bali niba kakumba pamo. Ba kasesema balefwala abene impapa sha mpaanga, pantu bena balefwala impapa sha mpaanga isho balekumba. Kibili imbila yakubalilapo, ku i—i—inkulo iyasulwa, cali nipa muulu wa mpapa sha mpaanga. Ba kasesema, Ndelanda nakabili, balefwala impapa sha mpaanga isho balekaka ukushinguluka abene, pantu bena balepela ubunte ukupitila muli ico, ukutila bena bacetekele ukutila kwaleisa i Mpaanga iya pwililika ukuba lilya ilambo. Kibili i Cebo cakwa Lesa caishile kuli bena pa muulu wa mpapa sha mpaanga. Aba ba kakumba... nangu aba

ba kasesema ilingi line bali niba kakumba. Abrahamu ali ni kakumba. Isaki ali ni kakumba. Yakobo ali ni kakumba. Mose ali ni kakumba. Davidi ali ni kakumba. Bonse abaleimininako Lesa ilingi line bali niba kakumba.

¹¹⁴ Nomba twalafwailisha umulandu cena caishile kuli ba kacema. Balishibe ukutila impaanga taicita nangu cimo ukwabula kacema ukushitungulula. Bena... impaanga mukupwililika taicita nangu cimo, tekuti iye pa lwaiko yeka. Uyo wine emulandu unto Lesa apashanishishe abana Bakwe abacetekela ku mpaanga. Bena bafwile batungululwa. Lelo iwe umone ico icilekutungulula! Taufwile ukubula imbushi, yena ili nokukutwala umwakwipaila. Lesa tatupela imbushi, Atupele u Mwana Wakwe (Mupashi wa Mushilo) ukututungulula. Ena e Katungulula wesi, tebalya bamo abaipanga ukuba ba kakumba, lelo katungulula uwapelwa na Lesa uulisha impaanga icakulya ca mpaanga.

¹¹⁵ Nomba, iwe bulu inkumba, kibili webe iyi inkumba ukutila, "Nalakupanga impaanga." Kibili waisamba. Kibili wapenta namala yakufikondo, kibili—kibili nefyaba ngefyo. Kibili nokuipela ifyakulya nge mpaanga, ukuipela i—ifyakulya. Kibili nokuibika pansi nangu kunse mu... nokuibika mu—mukumi wa mpaanga, nokuibika mwibala lyu fyakulya nangu icintu cimo. Kibili nga cakutila kuli icilindi ica matipa ku ncende kumo, ilya inkumba ili nokuyafye bwangu bwangu kuli cilya icilindi ca matipa ngefyo ingacita. Mwamona? Mulandu nshi? Pantu icifyalilwa caiko cicili ni nkumba.

¹¹⁶ Kibili uyo wine emulandu ba membala wa chalichi ileelo baiposa mu fintu ifya mwi sonde, mwamona, ni pamulandu wakutila icifyalilwa cabotacacinja. Bena balya umusango onse uwa fya bukapapa, fyonse ifya kusambilila pa mipepele ifya lubembu, lelo i Cebo cakwa Lesa balafilwa ukwiminina na Cena. Bena kuti baya mukati noku kutika ku Cebo...

¹¹⁷ Mwalishiba, myalu myalu uwakulishapo mwi sonde, ni mwankole mukalamba. Muli Baibele, kwali bibili balekeleko mu bwato. Mwankole umukalamba aile kibili tatalile abwela, pantu ena likubi, ni kalya wa fitumbi. Ena aikele pa mibili ya fitumbi ifyafwa kibili abikile mwi fumo lyakwe imibili iyafwa. Lelo luntu alekeleko inkunda ukufuma, inkunda yafililwe ukushipikisha ku kununka, eico yena yabwelele ku ng'anda yakwa Wishi na Noa, nokusonkonsha pa mwinshi mpaka Noa ailekele yaingila mukati.

¹¹⁸ Nomba, mwankole kuti aikala pano nokulya pali kabalwe uwafwa, akasuba konse, kibili nokupupuka ukuya kulya nokuya mwibala nokuyalya ifya nseke pamo ne nkunda. Lelo inkunda tekuti ipupuke ukuya kulya nokulya pali kabalwe uwafwa, kibili nokulya ifya nseke; cena kuti caipaya yena. Mwamona, inkunda

tayakwata indusha iili yonse, kabilii kuti yafilwa ukusungulula cena.

¹¹⁹ Kabilii lintu inkunda yonse iyakwa Lesa inkunda yonse iilya i Cebo nangu impaanga, icinama ca busaka, lintu iwe waya nokufipela ifintu ifya mwii sonde, fyalishiba ukutila Shikulu wabo atile, "Ena uyo uwatemwa isonde nangu ifintu ifya mwii sonde, ukutemwa kwakwa Lesa takwaba nangufye muli ena." Iwe wamupela icintu cimo icapusanako ku Cebo cakwa Lesa, ena teti asumine ico. Lelo ciwa kuti abula Ico kabilii ne sonde pamo, nokufita fyonse ukutila fyakwa Lesa. Iwe tekuti usakanye amafuta na menshi, fyena tekutifye fisakane.

¹²⁰ Bena, bonse aba ba kakumba, balishibe ukuti impaanga tashakwete amaka ukwabula kacema. Kabilii bali nibakacema, kabilii balishibe ukutila alingile ukutungululwa.

¹²¹ Webulanda we ukumona, ileelo, ukuti balesha ukulisha impaanga, amatipa. Lelo impaanga ilakana ukulya ifyo. Iyo, mukawi! Mwamona, bena baleesha ukulisha impaanga, kunuma kulya, amatipa. Kabilii lintu i Cebo caisa, bena balibelesha amatipa nganshi, bena tabaishibe i Cebo. Kabilii ifyo efyo caba ne leelo, ilyo icintu cimo cine cashininkishiwa nokushininkisha ukutila Lesa akacita icintu cimo. Nomba baliba ababelesha amatipa, nokulya amatipa, mpaka imwe...ukuba, takuli ukulanda kuli bena, bena tekuti bomfwefye kuli Cena, epelafye. Imbwaa...Baibele yatiila, "Nga fintu imbwa ibwelela ku malushi yaiko, kabilii inkumba ukubwelela ku matipa yaiko, efyo yena yaba."

¹²² Mwaumfwa i Cebo, kabilii nokubwelela mu matipa yamo yene ayakale! Kabilii ukutila, "Iye, Cena kufulungana. Mwicetekela icintu ca musango ngoyo."

¹²³ Lesa...impaanga icita cimo cine ileelo, shifwile shacetekela mumilile ya Cebo. Tashilya ifyakulya limbi. Imwe tekuti mushipele icakulya ca bukapepa, impaanga ine ine. Iyo! Iyo! Kabiyeni tuyebeba, "Nomba lolesheni, ifwe bonse twalaba capamo. Nomba, Yesu aliipepele ukutila ifwe bonse twingaba 'umo.'" Imwe mwalyumfwilefyne icintu cimo cine ku Tucson te kale sana, inshiku ishinono ishapitapo, lelo bwena bufi! Yesu tatalile apepa...Musango nshi Ena...Musango nshi imwe mwinglelengela i Cebo ukuyebaula Icine, ukuibwesha Icine? Ninshi Lesa tacila pamuntu onse.

¹²⁴ Yesu atile, "Kuti babili baendela shani pamo kano nabasuminishanya?" Musango nshi mwingsenda Methodisti, Baptisti, Presbyteriani, na Katolika, no kucibika conse capamo nokuba umo? Imwe limbi kuti mwaba umo pesamba lya mutwe wa muntu, lelo Yesu atile, "Ukutila bena bengaba umo nga—nga Ine na Imwe twaba umo." Nomba, Alefwaya ifwe bonse ukuba umo muli Ena uyo uwaba i Cebo! Amen! Mwacimona ico, "Umo na Taata." Kabilii Taata e Mwana, cimo cine. Kabilii cena Cebo

cimo cine, i Cebo ukulangishiwa, ukuilangisha Icine muli buno bushiku nga fintu Cena cacitile mubushiku ubuli bonse, ukuti imwe mwingaba umo.

¹²⁵ Moneni, Atile, "Ngefyo Taata Antumine, efyo na Ine nde mutuma." Taata uwa Mutumine, aile muli Ena ukushininkisha i Cebo. Kibili Yesu umo wine uyo utuma abantu Bakwe, alaya mu bantu abo Ena atuma; nokutila, "Imilimo iyo Ncita, na imwe mukacita." Mucine, Alipepele ukutila twingaba umo; umo pamo Nankwe, te umo nakabungwe. Te umo ne mibombele, lelo umo na Lesa. Pantu Lesa mu Cebo Cakwe ni Umo, kibili Yesu na Lesa bali Umo, kibili imwe na Ine ne Cebo cilingile ukuba umo. Ico nacilungama. Ifwe tulingile ukuba umo mukusuminishanya ne Cebo. Te filya ifyo umuntu umbi alanda, ici tacili ubwilulo bwa mubumfisolo. Cisendeni Cena, ifyo Cena cilanda, noku Cicetekela; kibili Lesa ali noku Cishininkisha, no kushininkisha ukutila Cena cintu calungama. Mutontonkanya ukutila Cena cabasambi beka, sendeni i Cebo Cakwe pali cena, kabiyeni muyecesha umuku umo nokumona. Muli nokusanga ukutila cili no kumbombela mumusango umo wine ngefyo Ena alaile. Ee, mukwai!

¹²⁶ Tabakalye amatipa, bafwile bakwata imilile iyampaanga. Yohane Washila 10 itila, "Impanga shandi shalishiba Ishiwi Lyandi." Kibili nga Ena e Cebo, nomba Lishiwi lya musango shani Ena akwata? "Impaanga shandi shalishiba i Shiwi Lyandi, bambi shena tekuti shibakonke." Mwamona? Yesu atile, "Ishiwi ilyeni shena tekuti shikonke." Eico, impaanga Shakwe tashikonka ishiwi lya umbi. Shena tashakabakonke.

¹²⁷ Bakasesema, bakacema, ne mpaanga, fyonse ukupela ubunte palwa kwisa.

¹²⁸ Nomba moneni Lesa uushipilibuka mu mapange Yakwe ayashipilibuka aya Cebo Cakwe buno bushiku. Nomba tontonkanyenifye pa maminiti ayanono: i Cebo icishipilibuka.

¹²⁹ Nomba lolesheni! Nga—nga Mose alishile ne mbila yakwa Noa, cena nga tacabombele. Nga Yohane Kabatisha alishile ne mbila yakwa Mose cena nga tacabombele. Nga Yesu alishile ne mbila yakwa Mose nangu iyakwa Noa, cena nga tacabombele. Kibili Wesley nga aishile ne mbila yakwa Luther, cena nga tacabombele. Nga cakuti ba Pentecosti baisa pamo ne mbila yakwa Wesley, cena ngatacabombele; twacicumfwa ico icapela ubunte. Nomba, Lesa atwalililapofye ukwenda. Monenifye i Cebo, mwamona pantu tuli.

¹³⁰ Nomba mulandu nshi ba kacema tabafwile ukubilisha kwakubalilapo... Nga bonse aba bakasesema, bonse aba abantu abakalamba bali nibakacema, lyena cinshi ico Lesa (Umo ushipilibuka) apilibula imicitile Yakwe iyafintu pano pene, noku Cileta kuli bakasambilila wafya mipepele? Cali nibakacema.

Ukufika kwa Mwana wa mpaanga uwapwililika, ilambo lyapa lubembu, kulingile ukwisa kuli kacema.

¹³¹ Kacema alishiba impaanga shakwe ukucila umuntu uuli onse. Takwaba nangu umo uwaishiba impaanga nga kacema, ena alisambilishiwa kuli ico. Nakabili alishibe umusango wa cakulya uo shingalya. Shena... alishibe ifyo impaanga shingalya, kibili alishiba impaanga shakwe pafyo shena shilya. I...nga mwamona impaanga yaya kwicinka lyamatipa nokutampa ukulya amatipa, kuti watila, "Fumyenipo ico cilya icilyelyelye apo." Mwamona? Eico Lesa alishibe ukwakubatuma.

¹³² Nomba lekeni twite umo pali bakasesema bakalamba bakwa Yehovah, ukushininkisha ukutila Lesa ali muli aba bakasesema mumpapa ya mpaanga. Moneni nomba. Ifwe twalaita, intanshi, Mose. Lekeni tuloleshe pali ena. Bukapyunga bwakwe buli no kutulangisha Yehovah muli kacema kasesema Wakwe. Nomba, ifwe twalasendafye nalimo umo, nga ifwe natukwata inshita, nalimo amaminiti ikumi ayalekonkapo. Twalasenda babili pali bena, lelo nalimo yuu umo ali nokubafye bwino.

¹³³ Mose; Yehovah ukuilangisha Umwine muno, muli yuu kacema kasesema. Ena apelwe ifyabupe fitatu ukushininkisha bukapyunga bwakwe nokwita ku bakalamba ba Israele, na kuli Farao. Moneni nomba yuu kacema kasesema, nomba. Ena apele, Lyonse, bakasesema Bakwe, icishibilo cakupapusha, ukushininkisha ukutila cena cali ni Lesa muli bena; pantu tekuti kube ukubapo kwakwa Lesa ukwabula ifintu fyakupapusha ukucitika. Yehovah tatalile amonekela ukwabula ifyakupapusha uku Mukonka. Cifwile ukuba. Eico Ena Lyonse alaishininkisha Umwine ukutila Ena ali nabakasesema, pa kushininkisha ifyo balesesemapo, nga cali ukulingana ne Cebo Cakwe.

¹³⁴ Nomba, icakubalilapo—icishibilo ca ntanshi Apele kuli i... yuu kacema (lolesheni), asangwishe inkonto yakwe insoka.

¹³⁵ Ica cibili, ukuboko kwakwe kwapilibwile ku fibashi.

¹³⁶ Ica citatu, kukufumya amenshi mu Mumana wa Nile mu Egypto, no kuyapilibwila mu mulopa.

¹³⁷ Nomba, Ena amupele ifishibilo fitatu ukushininkisha ku Egypto, kibili nacimbi kuli Israele, ukutila ena ali Cebo cakwa Lesa icalandwa.

¹³⁸ Nomba, ibukisheni, Mose aitilwe mububumbo! Ico nacilungama. Abulile imicanga no kuiposela mulwelele, kibili atile, "Lekeni impantila shise," kibili impantila shalishile. Atile, "Lekeni balunshi bese," kibili balunshi balishile. "Lekeni bacula bese," kibili bacula balishile. Ena aletele mukulengwa! Nomba, umuntu tekuti abumbe, lelo tacali umuntu icakubalilapo. Cali ni Yehovah muli kasesema kacema Wakwe! Amen!

¹³⁹ Loleni! Icishibilo cacitatu Apele tacakumine kuncito yakwe, nangu ukukuma kubuntu bwakwe; icishibilo cabutatu. Moneni, ifishibilo fibili ifyakubalilapo fyakumine kuli ena, umwine eka nencito yakwe. Kabili fyena fyalifye ifishibilo fibili ifyo Baibebe ilanda ukutila “fyalikwete ishiwi.” Icishibilo cimbi tacakwete ishiwi. Lelo ifishibilo fibili ifyo fyapelwe ku muntu wakwe umwine, naku bantu bakwe, fyalikwete amashiwi. Lelo icishibilo ca citatu, nomba moneni, cena calipelwe... icishibilo, icishibilo ca citatu, cali icishibilo camfwa: amenshi ukupilibukila mumulopa. Ngo wenu—ngo wenu—ngo mulopa wenu kuti wapilibukila ku menshi, lyena kuti mwafwa. Kabili apali umulopa, uwasumya umulopa, caba cishibilo camfwa; efyo cali kuli Farao. Ica citatu cali nokupilibula amenshi ya Nile ukuba umulopa, cali ukulangisha—ukulangisha i Mbila yakwe kuli Farao ukutila Lesa wesi ni Lesa pali Nile, pamulu wakwa lesa wa Nile. Ena ni Lesa pa fintu fyonse, kabili Ena ali nokuleta imfwa kuli cilya icalo. Kabili ifyo efyo icishibilo camulopa cali. Oh, owe! Icishibilo icasontelelw a ica mfw: umulopa!

¹⁴⁰ Lelo aba bambi bibili balikwete amashiwi aya busesemo. (Nde—Nde—Nde subila ukuti mulebelenga nomba, pakati ka mishilwa, ifyo Ndelanda.) Lelo ifishibilo fibili fyalikwete amashiwi yabusesemo kuli Israele pafyali nokucitika kuntanshi yabo. (Nomba kuli imwe mwebali pa mulu walupili tekale sana, ilyo ilibwe lyaposelwe.)

¹⁴¹ Nomba, kabili ukuya...aali nokupilibula icifyalilwa, ukucilenga ukubabombela. Moneni icimuti, moneni insoka, moneni Bemba Wakashika, kabili nafyonse ifyo Acitile, nomba. Moneni ilya inkonto yakwa kacema ilepanga inshila yabo umwakupita. Ico cimuti icali mukuboko kwakwa kacema, capitilile amasambililo yonse ayamipepele nafyonse ifintu ifyo bashimapepo balandile, kabili ilya nkonto yakwa kacema yalibatungulwilefy ukutwalilafye ukupita mucintu conse icishingacitwa (ku muntu). Ilyo Farao aeseshe ukutontonkanya ukutila “amabimbi yalipokele mumpili nokuposa amenshi, elyo nokuyalenga ukusanguka umulopa,” elyo Lesa aponeshe umulilo ukufuma muuuulu. Kabili Aletele imfula yamabwe ukufuma muuuulu, kabili Ena—kabili Ena aponeshe inda pesonde, nefintu fyonse.

¹⁴² Ni cinshi ico Acitile? Ukupitila munkonto ya ulya kacema, tacili i—ibuuku lye sambililo, tacili itontonkanyo lyakwa kasambilila wafya mipepele, lelo ninkonto yakwa kacema! Tuleisa kuli cena muli miniti; inkonto yakwa kacema, Ena alicicitile. Te bu—buuku lyamapepo ilyacilonganino, lelo inkonto yakwa kacema. Inkonto yakwa kacema iletungulula impaanga, ilewamya inshila icaakti baye mu Cebo cabulayo mucalo. Ifyo caba icintu icaemba ico cili ileelo ica Nkonto yakwa Kacema, ileelo, ukutungulula impaanga Shakwe ku Mpanga ya Bulayo; ukucilila yonse amasambililo yafya mipepele nefintu

fyonse ifyashala ifya ili sonde, kibili ifintu fya mwisonde, nefilonganino, ifintu fyonse; ukwisula inshila, no kushininkisha i Cebo Cakwe ukuba Icine; Inkonto yakwa Kacema ukuya pantanshi.

¹⁴³ Kibili moneni, ilya nkonto imo ine iyakwa kacema iyo yaletungulula impaanga... Bushe mulecetekela ico? Ena mucine alitungulwile impaanga, alishipuswishe ukufuma mu Egypto nenkonto mukuboko kwakwe. Ifwe kuti twalanda ifingi nganshi palwa yena. Lelo mukuma pamutwe welyashi, atungulwile impaanga nokutuma ubupingushi paku Cikana! Inkonto imo ine iyo yaishileba ipalo kuli imo, yaishileba icitipu kuli bambi. Amenshi yamo yene (aya kushimikila kwa kwa Noa) aya mupuswishe, yaonawile isonde. Inkonto imo iine iyatungulwile Israele ku mpanga ya bulayo, yaonawile balya abakene ukukonka kacema. Ico nacilungama, yaishileba inkonto ya bupingushi.

Icifyalilwa; moneni ifyo Lesa alandila mucifyalilwa Cakwe. Nga twalikwetefye inshita. Nacilemba akapepala palya: Lesa alelanda mu cifyalilwa Cakwe. Tatukwete inshita iyakushininkisha ico.

¹⁴⁴ Lelo ukushininkisha panuma, ku nsoka ya mukuba pa mutanto wa mpaanga yakwa kacema (ukutila aliipombele iyi nsoka ukushinguluka, mumatololo), ici cilelanda pacikonsolwelo ica cine ukwisa pamalwele nolubembu.

¹⁴⁵ Ilya inkonto yalipilibukile munsoka kuntanshi yakwa Farao, kibili Farao umo wine alyeseshe ukukonkeleshamo ukubomfyamalele. Kibili efyo na Farao mupya uwelleelo, nabaitunga ukucetekela, bakapashanya ababuntunse aba Mbila, ukwesha ukukonkelesha icintu cimo cine ukwabula ukwishiba uko cilefumina; noku Ciposa mucintu cimo icamucilonganino, nelyo Caba icakufuma kuli cena ngo mwela uushinga isalilwa. Mucine! Lelo esha ukupashanya, ukupashanya.

¹⁴⁶ Lelo, moneni, iyi ine inkonto yakwa kacema yalya insoka shimbi. Bushe shilya insoka shali kwisa? Ninkonto pansi, kibili inkonto imo eyatolelw. "Fyonse imyulu ne sonde fikapita," Yesu atile, "lelo i Cebo Candi tacakapite." Cilelanda pa cikonsolwelo icacine icileisa pa lubembu.

¹⁴⁷ Nacimbi, kuntanshi yakwa Israele kwapelwe... kibili kulya uko Nalandile pali Israele, nomba kuntanshi... Kulya bena balipelwe ukupusushiwa ukufuma kuli bunkole bwamfwa kuli kacema. Bafumishiwe muli bunkole kuli kasesema kacema nenkonto. Mwamona? Wena walelanda pali Kalubula wa kuntanshi yakwa Israeli, ukufuma kumfwa nakumbo, ukupitila muli Kacema Kasesema untu ifwe twalalandapo.

¹⁴⁸ Nomba, kuli bonse abo... bonse nga fintu twaishiba Israele, tapokelele i Cebo cakwa kasesema, bonse abena Israele taba Cipokelele. Nomba, moneni, bena baleilishanya. "Oh," ilyo

ena alecita ifisungusho, "ena aali umuntu umukalamba," lelo ilyo caishile ku Mbila yakwe, "ico cali icapusana." Fyonse ifishibilo ifikalamba filakonka imbila iipyा iileisa. Ifwe twalishiba ico. Mumatololo bena baliilishenye, mumatololo, nokufwa amakana. Mukukana pita mumbali, tabalifye babilifye abaabwike abapuswike ukufuma muli ba millioni babili nacitika, babili ukufuma muli ba millioni babili nacitika.

¹⁴⁹ Mwatila, "Ico... Ni cinshi icacitike kuli bena?" Bena baliya Umuyayaya.

¹⁵⁰ "Bonsefye, Munyina Branham?" Yesu efyo alandile.

¹⁵¹ Batile, "Bashifwe balile Mana mumatololo, kabili banwine ukufuma ku Cilibwe."

¹⁵² Kabili Ena... Yesu atile, "Kabili bena baba, cila umo, balifwa," ukupatulwa Umuyayaya, mwamona, cila umo.

¹⁵³ Moneni bena baliilishenye palwa nshila yakwa Lesa iyapelwa, eumulandu bena bafwilile. (Nomba, mupepi, mwilufya aya mashiwi ayanono ayakulekelesha.) Bena baliilishenye! Ni cinshi icabalengele ukufwa mumatololo, bena baliilishenye palwa nshila yakwa Lesa iyapelwa: ku Mbila ya muntu-umo, kasesema, ubutungulushi bwa muntu umo. Njebeni ilyo Lesa atalile bomfyia ibumba ilya kutungulula. Imwe tamwakacisange muli Baibele. Umuntu umo, bena... I Cebo caishile kuli Mose!

¹⁵⁴ Kora; ifwe bonse twalishiba ukutila ena—ena aishile capamo nokuishanya pali Lesa ukukanaba fye, ukucita icintu nga cilya, ukulenga umuntu umo ne Mbila. Ena atile, "Ifwe bonse tuli bamushilo. Mulandu nshi ifwe tatwinga kwatila icilonganino? Kabili mulandu nshi ifwe tatwinga kwatila... ukukwata *ici*, nokucita *ici*, nokucita *cilya*?"

¹⁵⁵ Lesa aebele Mose ukutila, "Ipatule kuli ena, Ine nintendwa neficitwa ifyo." Kabili ibukisheni, Yuda alanda icintu cimo cine, munshiku sha kulekelesha. Ico nacilungama, "Balyonaike kufikansa fyakwa Kora." Naifwe twalishiba ifyacitike kuli Kora na—nabonse abashala abaleipusha i Cebo cakwa Lesa namano yakwa Lesa pabutungulushi bulya ubwa muntu umo: bonse balifwile.

¹⁵⁶ Nomba, tuli nokumona ukutila Lesa e kacema kasesema, alelangisha ubtantiko Bwakwe mwishiwi lyacishibilo ilileisa. Nomba, moneni. Ifwe tulemona cena *kulya*, nomba lekeni ifwe tumone cena mucishibilo cimbi icilekonkapo.

¹⁵⁷ Nomba, moneni, atuminwe kuli bamunyina kubusha, kuli bunkole, ne Mbila yakupususha, necishibilo icapelwa na Lesa ukushininkisha ifyalandwa Fyakwe. Israele aile pa Mbila yakwe, bena bali Icetekele, cila umo muli bena, lelo munshita ya cungulo bushiku... Bena baleila ifisungusho fyakwe, lelo munshita yacungulo ilyo bena... ena apele i Mbila yakwe, "Cena cali icapusanako." Bonse abo abashacetekele ilya Mbila, balifwile.

Ico nacilungama. I Mbila yali ni cinshi? I Mbila yali iya bupingushi ubwaleisa. Mu cungulo bushiku, pansiha yacungulo bushiku, Lesa alipitile munkambi ya Israele ukumona nga cakuti abantu balicetekeli i Mbila yakwa kacema kasesema Wakwe; kabilo bonse taba Icetekeli, balifwile.

¹⁵⁸ Nomba moneni, twalacileta kuli Kacema Umukalamba mu nshitafye inono. Mwamona? Moneni bukapyunga bwakwa Kacema Kasesema Umukalamba. Ubwa fisungusho Fyakwe, ichalichi conse caliswike kabilo kuti ca Mupokelela. Balefwaya abalwele babo ukundapwa. Balefwaya ukucita ifintu ifikalalamba. Ukulumbuka kwakwe kwali ukukalalamba. Lelo ilyo inshita ya cungulo bushiku yaishile, ubushiku bumo panuma Ena apilibwile amenshi ukuba umwangashi, kabilo alishishe amakana, umukate, kabilo alipangile ifisungusho, Ena atendeke ukwikala pansiha nokulanda nabena. Kabilo Atile kuli bera, “Ine na Taata Wandi twaba umo. Cinshi ico mulelandila ukutila, ‘Tulangisheni Taata?’”

¹⁵⁹ “Oh, munyina! Uyu muntu ukuilenga umwine ukulingana na Lesa?” Ico calicilile petontonkanyo lyabo ilya bukapepa. Lelo cena cali Icine, Ena efyo aali! Mwamona? Lelo ilyo bacitile ico, abengi taba Mukonkele.

¹⁶⁰ Nomba Alipilibwike nokutila, “Kanofye mwalya Umubili wa Mwana wa muntu, nokunwa Umulopa Wakwe, imwe tamukwete Umweo muli imwe.”

¹⁶¹ Nomba, cinshi ico muletontonkanya uwacenjela, umuntu uwa mano atontonkenye? Ndeelenganya bashimapopo abali Nankwe mwitempele bali mganshi—baliketwe nensoni nganshi pali—bera ukuba Nankwe mulya. “Ukutontonkanya ukutila umuntu kuti aiminina nokulanda icintu icakutila, ‘Kanofye imwe mwe bantu mwalya Umubili Wandi, no kunwa Umulopa Wandi.’” Atile, “Uyu muntu ulonka umulopa, mwamona, ‘Ukulya u Mibili Wandi nokunwa...’ Mulandunshi, ena alalya abantu banankwe. Mwebantu batontonkanyafye bwino kuti mwa... mufumeko kwishilu ilyaba ngelyo.”

¹⁶² Ena ta Cilondolwele, Ena acilandilefyne Cena! Ena acitile kukubapunwisha, ukupatula impaanga Shakwe ukufuma ku mbushi. Ena acitile ico ukuti abapose. Kabilo lyena tapali nangu umo uwalefwaya ukumfwana na Ena. Bena tabakwete ukumfwana ukufuma pali ilya inshita ukuya pantanshi. Mwamona?

¹⁶³ Moneni, pansiha yacungulo bushiku, Lesa aile kunse ukupita munkambi nokumona uyo uwacetekeli. Kabilo Ena acitile icintu cimo cine munshiku shakwa Kacema Mukalamba. Moneni bukapyunga bwakwa Kacema Kasesema Umukalamba, lelo moneni ici, ku bacetekeli pa Mbila Yakwe, lelo tacili... Iyi Mbila ya cungulo bushiku, bera tekuti ba Icetekeli. Bera tekuti bacetekeli ukutila Ena aali ni Lesa. Bera balefwaya

uku Mupanga umuntu umusuma. Bena balefwaya uku Mupanga ukubafye kasesema. Ena ali umuntu umusuma, kabil Ena ali ni Kasesema, lelo Ena ali uwacila pali ico. Kulya e kusambilisha ukwaseka ileelo, ukutila “Ena muntufye umusuma, ena aali nikasesema.” Tali nangu cimo kanofye Emmanuel! Ena aali ni Lesa ukumonekela muli Yesu Kristu Umwana Wakwe, ukulenga Ena na Taata ukuba umo. Ifyofye fyeka efyo Ena engaba.

¹⁶⁴ Sekaria 14:7, kuti Nalandia ici, ukulanda pa Lubuuto lwa cungulo bushiku ne Mbila nakabili pansiita yampela. Bushe mwacimona ico? Bonse abakonkele Mose, balimwene i Ntumba ya Mulilo iyo iya mulangishe pa Lupili lwa Sinai. Apele ubunte, kabil alandile pali iyi Ntumba ya Mulilo ukuba mu cimpusa kabil balimwebele iyi Mbila, abengi muli bena bakene uku Icetekela. Lelo bonse abamukonkele ukufuma mu Egypto (bafumine mwisonde nokwabuka bemba uwakupatulwa, nokuya mumatalolo), amwene Intumba ya Mulilo imo ine (iyo alandilepo) ukushininkisha ulya kacema ukuba kacema wa mpaanga. Bena balicimwene Cena, kabil abengi muli bena bali abakukana Cicetekela panuma yaku Cimona.

¹⁶⁵ Moneni ifyo, nakabili, Lesa uushicinja, Umukalamba Kacema-Kasesema, alibasendele abaikele na Ena kabil na bukapyunga Bwakwe ku Lupili lwa Miolife; Umukalamba Kacema Kasesema, Ulya uo tulelandapo, Yesu. [Tapali amashiwi pali tepu—Kale.] . . . ? . . . nokumfwa Taata (Intumba ya Mulilo imo ine) uku Mushininkisha, ulya uwashininkishe Mose.

¹⁶⁶ Lesa umo wine uo Mose alandilepo, aishile pali Mose no kushininkishiwa ne Ntumba ya Mulilo ukutila Ena ali ni Yehovah uyo waletungulula Mose. Lesa aali muli kasesema kacema Wakwe.

¹⁶⁷ Pano Ena alesenda umbi Kacema Kasesema, Kasesema Umukalamba, Impaanga Iine ine, Yesu, kabil cisenda ukusala kwa baume batatu, nokubasenda pamulu wa Lupili lwa Miolife, kabil kulya kwashininkishe Yesu. Kabil aipatwile Umwine ukufuma kubantu bonse abashala, atile, “Uyu e Mwana Wandi uwatemwikwa, mumfweni Ena!” Kabil ilyo baloleshe pamulu, tabamwene umuntu kanofye Yesu eka. Ico nacilungama. Ena aali Eo. Nomba, ico cilepwisha fyonse, ukulingana nefyo Naishiba. Mwamona?

¹⁶⁸ [Tapali mashiwi pali tepu—Kale.] . . . ? . . . [Tapali mashiwi pali tepu.] . . . ? . . . icinso. Mose ali mukubapo kwa Shekinah pa Lupili lwa Sinai. Ici capilibwile icinso cakwe. Lintu ena aishile pansi, ena aali noku—ukufwala icifimbo ukufimba pa cinso cakwe, kacema-kasesema Mose; uo Yehovah alimo, muciputulwa, iciputulwafye, icinso cakwe. Ena alikwete i Cebo mukanwa kakwe.

¹⁶⁹ Lelo lolesheni lintu Kacema Mukalamba aali mukubapo kwa Shekinah. Cinshi ico cena cacitile? Capilibwile imimonekele

Yakwe yonse. Ena talifye iciputulwa cakwa Lesa, Ena aali ni Lesa onse! Ena aali ni Emmanuel.

Mulandu nshi cabelele bakacema?

¹⁷⁰ Lolesheni! Mwamona, nomba, Lesa Uwamaka yonse aletandala... ukuilangisha Umwine, ntile, muli Mose kasesema. Moneni ifyo Lesa ailengele Umwine ukwishibikwa. (Uku e kulanda kwandi ukwa kulekelesha.) Mumoneni, naiminina uwasubwa mukubapo kwa Ntumba ya Mulilo! Tapali nangu umo pa lupili nakalya kano Mose na Yehovah. Amen! *Ameni* cipilibula “cibe ifyo fine.”

¹⁷¹ Moneni! “Bika ukuboko kobe pacifuba cobe!” Lelo, moneni ici cishibili cacibili nomba neshiwi. “Bika ukuboko kobe pa cifuba.” Tatukwete ukutontonkanya ukutila Mose alecitila ifintu kukuboko kwakukuso, eico nalimo abikile ukuboko kwaku kulyo pacifuba cakwe, pantu abaume abengi babomfyu ukuboko kwakukulyo. Abikile ukuboko kwakukulyo... Nomba moneni! Ifyo tulemona icikope pano, icakwa Yehovah muli Mose kacema kasesema! Mose ukwimininako Lesa, pantu Lesa aali muli Mose. Moneni ena abikile ukwakwe... “Ukuboko pa cifuba cobe.” We cishibili we!

¹⁷² Nomba, ulya naiminina, naikata ukuboko kwakwe ukwa kukulyo pa mutima wakwe (naiminina nga *ifi*) uko inkama ishafiswa ishakulubulwa shalifishilwe ukutula ilyo umufula wesonde taulabako. Uyu e mulandu wine cabelele bakacema. Yesu kuboko kwakwa Lesa ukwa kukulyo, ifwe bonse twalishiba. Ulya palya Mose ukumulangisha Ena filya fine. Ena akitilile inkama shakwa Tataa, kabili alibalangisha kuli ifwe. Moneni, moneni ena ukutinta ukufumya pa cifuba cakwe ukuboko kwakwe ukwa kukulyo kwapumwa ne fibashi ifyabipa. Calangishe ifyo Lesa ali nokucita no Kuboko Kwakwe ukwa ku Kulyo. Moneni, ifibashi tafyakwata ukundapwa. Moneni, nakabili, tacalifye ifibashi ifyaishibikwa, cali mu ntamfu yaciko iya kulekelesha, ifyabuta nge mfula yabuta; ukuboko kwakwe kwalyuminwe necintu icabipisha. Ifyo Mose nalimo aumfwile ilyo afumyishe ukuboko kwakwe ukwa kukulyo ukufuma pa mutima wakwe, ukufuma pa cifuba cakwe, kabili ukuboko kwakwe kwalyuminwe ne fibashi! Ifibashi fiimininako ulubembu, ukushipola, kabili ukucilapo munshita yakubalilapo yafiko.

¹⁷³ Kabili, ba munyina, palya epo isonde lyabelele ilyo Lesa atintile Ukuboko Kwakwe Ukwa kukulyo ukufuma pa cifuba Cakwe! Isonde lyalyuminwe ne fibashi ifyabipisha, kabili nokukana poshiwa nakalya. Efyo cili namuli buno bushiku, pantu tabalefwaya ukupokelela ubwafwilisho. Ubwafwilisho bwapelwe pa Kalbale, lelo abantu balefwaya ukusenda ubulondoloshi bummo ubwapangwa nomuntu mucifulo cabulondoloshi bwakwa Lesa palubembu.

¹⁷⁴ Moneni tacisa panono panono, nga fintu ifibashi fisa, lelo pamuku umo wine! Ilyo atintile ukuboko kwakwe, kwalyuminwe, kwaiswile ifibashi. Moneni ifyo Lesa alandile, “Nomba, imwe tamwakaye muleingilamo panono panono mulubembu; lelo ubushiku mukalyako, bulya bushiku mukafwa.” Kabili ico nacilungama, “Ubushiku ukalyako.”

¹⁷⁵ Moneni, cali nikasesema kacema uwaipumine umwine. Abulile, ku mafunde yakwa Lesa, no kubika ukuboko kwakwe umwine pa cifuba cakwe, no kufumyamo ifyaumwa ne fibashi. Kasesema kacema acitile ici umwine eka. Kabili Kakumba Kacema Mukalamba, Yesu, alicitile ico Umwine, “Ndebika umweo Wandi pansihi, takuli umuntu uwinga usenda ukufuma kuli Ine.” Ena ali ni Kacema Mukalamba, Kasesema Kacema Mukalamba, “Takuli umuntu nangu umo uwingausenda ukufuma kuli Ine, Ndacicita Palwandi.” Moneni fyena tafyaishile panono, fyaishile muli miniti. Kacema Mukalamba, Umwine, asendele umulandu wesu no kuyuma Umwine, asendele imembu shesu nokuibika Umwine eka. Emulandu kalemba alembelé ukutila:

Amabwe yaputuka pakati ne myulu iyalefita,
Kapususha wandi akontamike umutwe Wakwe
no kufwa;
Icipembe icaisulwa casokolwele nshila
Kunsansa shaku Muulu nobushiku ubushipwa.

¹⁷⁶ Ilya nkama yali pa cifuba cakwa Lesa yonse iyi myaka, iyafimbwa nokuboko Kwakwe ukwa kukulyo, Yesu. Kacema Mukalamba asendele Umwine umulandu wesu mucifulo cesu. Esaya 53:6, atile, “Ena alashilwe pamembu shesu. Ena afwantilwe pamampulu yesu. Ukulimunwa ukwa mutende wesu kwaponene pali Ena. Na mufipumo Fyakwe emo twaundapilwa.” Inkama yakwa Lesa yakundapa yalibikwa pa cifuba cakwa Yesu Kristu, nangu Lesa, Ena ali ku kuboko kwa kulyo ukwakwa Lesa, ilya e Mpaangafye yeka iyo yaikete inkama mucifuba Cakwe. Uyo e mulandu wine ifyakutangilila fya Ciko lyonse fyaleba impaanga! Iya ntanshi yali ni mpaanga, iyakulekelesha yali ni Mpaanga. Uyo wine emulandu Cena caishile kuli kacema, ukwishiha ifya kusunga i Mpaanga shakwe. Mwacumfwa Ico? Moneni, “Ena alashilwe pa membu shesu, acenenwe pa mampulu yesu, ukukalipilwa ukwa mutende wesu pali Ena.”

¹⁷⁷ Moneni, caishile mukwangufyanya; fyafuminepo mukwangufyanya, ilyo ukuboko kwakukulyo kwafumishiwi pacifuba umuku wacibili. Ubulwele bwabipisha bwalipwile, ilyo ena afumishemo umuku wacibili. Kabili ilyo Kacema Mukalamba, Kasesema wa Mpaanga, ilyo Ena atile... Pa lupanda lwa Kalbale, ilyo Ena alipile ukukandwa kwa lubembu kuli ifwe bonse, Atile, “Cena nacipwa.” Ulubembu lwalipwile, ukukandwa kwalilipilwe, inkongole shalipwile! Cena tacasendele umwaka, nangu mukulekelesha caishile muli

cena munshiku shakwakalungamika umo nangu icintu cimo, cena calipwile lilya line!

¹⁷⁸ Ulubembu lwaishilemo pakashita, ukupitila mukutoba Amafunde yakwa Lesa, ukupitila mukonaula i Cebo cimo. Muli buno bushiku, mwe babwananyina bandi, imweo yenu ili kumbo mumunyololo. Kabili ulyo munyololo tawaba ukusambilisha kumo ukwafyamipepele, ulyo munyololo te cilonganino cimo nangu icisumino cimo ico muleikalilako, ulyo munyololo Cebo cakwa Lesa! Yesu apele umutundu wa buntunse i Cebo Cakwe kukwikalilako, kabili Efa atobelefye iciputulwa cimo icinono ica Cena. Kabili i... umunyololo uuli onse tawaba uwakosa ukucila pancende apo wanaka. Ilyo mwafumyapo i Cebo cimo... Lilya e lyali i Buuku lyakubalilapo.

Yesu aishile pakati ke Buuku, kabili atile, “Umuntu takekalile ku mukate weka, lelo ku Cebo conse ico icifuma mukanwa kakwa Lesa.” Ico cali pakati ke Buuku.

Uwa kulekelesha uwe Buuku, Atile, “Uyo onse uukasenda i Cebo cimo (ukupilibula mububi i Cebo cimo), ukusenda i Cebo cimo ukufuma Umu, Ndi nokusenda iciputulwa cakwe ukufuma mwi Buuku lya Mweo.” Iwe ulepita kumbo, ulepelela pa Cebo cakwa Lesa. Wikaleka umuntu umo akatine icintu cimo muli iwe icishaba EFYA SOSA SHIKULU!

¹⁷⁹ Oh, Ndemon...Ukuba, batila, “Mucine, fyonse ifyo twacita. Fyonse ifyo twacita!” Filya efyo nalimo bashimapepo mukalamba na bena batontonkenye mu nshiku shakwa Kacema Mukalamba. Filya efyo Efa atontonkenye. Filya efyo Satana amwebele, “Mucine Lesa takacite.” Lelo Ena alicitile, pantu Atile Ena akacita. Kabili ulya e mulandu wine Ena ali no kucicita nakabili ileelo.

¹⁸⁰ Emulandu wine, ngafintu Alandile ukutila, “Nga fintu cali munshiku shakwa Noa, uko imyeo cinekonse konse yapusushiwe, ku menshi, efyo cikaba namukwisa kwa Mwana wa mutu.” Mwamona, abanono nganshi, “Pantu impongolo yaba iyaololoka, nenshila yaba iyakamfyemfyie iitwala ku Mweo, kabili banono baka Isanga.” Ico nacilungama. “Pantu yalisalala inshila iitwala ku konaulwa, abengi bakayamo.”

¹⁸¹ Ilyo Kacema Mukalamba apuminwe, Umukalamba Kasesema uwa Mpaanga, ilyo Ena apuminwe kunuma kulya, Atile, “Nacipwa!” Kabili ilya miniti, lilya line uyu Kacema alipuminwe, calipwile. Ulubembu lwalipwa, takwali nakabili ulubembu. Bali abasanguluka, ukulimunwa kwalilipilwe. Abacetekela abo amashina yalembelwe mwi Buuku lya Mweo, abalingilwa kabela ukutula ilyo umufula wesonde taulabako, calipwile ilya ine miniti iyo Yesu atile nacipwa. Ena, ulya Kacema Mukalamba, aishile kumpaanga Shakwe. Cena calipwile, ukuboko kwakwa Lesa ukwakukulyo kwalifumihiwe pacifuba Cakwe, ukupumwa. Nomba pe Pasaka

Ena alikubweseshe (ameni), alikwmishe nakabili pacifuba Cakwe, nokukubika kuli imwe na Ine, mumibebe ya Cebo Cakwe, ukutulubula ukutubweseha kwibala lyapakutendeka uko lulya ulubembu lwatufumishemo. Inkama iyafiswa iya mutima Wakwe uukalamba yasokolwelwe na Kasesema Kacema. Yena yasokolwelwe na Kacema, Kasesema Kacema.

¹⁸² Emulandu wine impili shatolokele nokubilikisha pali bulya bushiku. Emulandu wine akasuba kafishile icinso cakako nokubilikisha kukusangalala. Emulandu wine ifya ububumbo bonse bwakakulwike; umwela walitenkenye ifimuti mpaka fyalitenkene nokutenkana, nokusangalala, nokutoloka. Fyena fyalimwene Kasesema Kacema, palupili, ukulubula ishina lyonse mwi Buuku lya Mweo. Kabili fyalimwene ukutila icifyalilwa cafiko ifine fyalilubwilwe! Fyalipundile, nokutoloka. Kabili mwisonde mwapitile icinkukuma. Kabili impili shalilepwike, kabili amabwe yaliwile. Kabili akasuba kaliwile. Kabili—kabili ifintu fyonse fyalicitike. Ngo kulongana ukuli konse, ilyo Kacema asokolola kuli imwe ukutila “cena nacipwa!” Kulya...

¹⁸³ Nalimonapo ifyakutoloka, nefyakumfwa insansa, lelo takwali nangu umo uwacenekekwe. Impili shalilile, kabili shena... akasuba kaliwile, kabili ifintu fyonse fyalicitike, lelo takwali nangu umo uwacenekekwe. Kabili Nalimona ukulongana uko amaka yakwa Lesa yasokolwelwe ku bantu ukutila bena “bali abantungwa ukufuma kwisonde nefintu fya mwisonde,” kabili ne nsansa shakwa Shikulu shaliswile mulukuta. Baliminine no kupunda, no kulia, no kubilikisha pamulu weshiwi lyabo, kubukata bwakwa Lesa. Nshamwenepo icaufumine mumutande, bena Lyonse bali mumutande; pantu balishibe ukutila, ishina lyabo lyalilembelwe pe Buuku ilya Mwana wa mpaanga ilya Mweo ilyo umufula wesonde taulabako. Umukalamba Kasesema Kakumba alibalete i Mbila, kabili balipuswike, Kasesema Kacema. Temulandu ifyo bambi ababukapepa balandale palwa Cena, balishibe ifyacitike. Nga fintu balya bena bakacema bacitile kunuma kulya, balishibe ifyacitike.

¹⁸⁴ Takuli umuntu nangu umo uwawkwata insambu shakwingila mwitebulo ilya mushilo mukushimikila i Cebo mpaka acita ifyacitile Mose, akumenye Lesa, umwine eka, pancende apo bakasambilila bamipepele tekuti ba Cilondolole. Mose ali kulya! Te mulandu ifyo inkcombe shakwa Israele shasosele, “oh, califie icabula amano, waleelenganyafye ukutila walimwene ici; cintu cabulamo amano,” imwe tekuti mufumye Ico ukucifumya kuli ena, ena alishibe! Ena eko aaali! Ena eo cacitikileko! Kabili takwaba umuntu uwawkwata i—ipepala lya digri yamasambililo yamipepele nangu digri yabudokota uwawkwata insamba kunuma yacintamba, ukupoka i Mbila yakwa Yesu Kristu, mpaka ena mukubalilapo akumenye Lesa icinso ne cinsu mu

Ntumba ya Mulilo. Ena takwata insambu ukuita umwine inkcombe, pantu bonse bakasambilila wa fyamipepele mwisonde tekuti balondolole Ico ukucifumya kuli imwe. Calicitike kuli imwe! Imwe eko mwali kulya, namwishiba palwa Cena. Nshilesakamana ifyo uuli onse engalanda, napa fingi ifyo benglanya, “inshiku shalipita, cena tacili ifyo,” imwe... calicitike kuli imwe, kabilo cena kulingana ne Cebo.

¹⁸⁵ Ee, ulya emulandu wine Mose aishibile ukuti ili Shiwi lyalilandile kuli ena, lyali i Shiwi lya Cebo. Alishibe ukutila Lesa alyebele Abrahamu ukutila, “Ubuufyashi bobo bukaba ubulebeshi pamyaaka imyanda ine, lelo Nkabapususha.” Kabilo alishibe ukutila imyaka imyanda ine yalipwa kabilo ena alitilwe ukucita ico.

¹⁸⁶ Umwaume na banakashi, Lesa alilaile muli shino nshiku shakulekelesha ukutila Akapongolwela Umupashi Wakwe pamuntunse onse. Ena alilaile ukutila Ali nokutuma Ulubatisho lwa Mupashi wa Mushilo, kabilo Ena ali nokwita Nabwinga ukwabula akalitonu nangu ulukanshi. Alilaile ukucita ico, Akacicia. Mwiumfwila aba babomba incito yabukacema, bakamitwalaika. Mupashi wa Mushilo e Kacema wakulisha icakulya campaanga ukufuma kuli ici Cebo. Cena lyonse cisa na Kacema. Ena ni Kacema wesu. Umfweni kuli Ena, imwe muli mpaanga shecinka Lyakwe; nga muli bamu muli shena, muleumfwa i Shiwi Lyakwe. Te filya ifyo umuntu umbi alanda, muleumfwa ifyo Ena alelanda. Ishiwi ilyeni, imwe tamwaishibapo nangu cimo palwa cena.

¹⁸⁷ Oh, owe, umfweni kuli kacema kasesema mukalamba nakabili, aleilula nokuyapela kuli bena, Yohane (ilyo aiminine mumumana wa Yolodani), moneni ifyo alandile (aiminine palya, aleshimikila), atile, “Ora ileisa...”

¹⁸⁸ Moneni, Yohane ali umwana wakwa shimapopo. Bena lyonse bakonkele u—ulubali lwabashibo, ulya e musango twakwatilamo amashina yesu. Kuli conse ico bacitile, balibetile cilya. Kabilo Yohane alingile ukuba shimapopo nga wishi.

¹⁸⁹ Kabilo, namwishiba, nyina wakwe, lintu aimitwe, panuma yakwa Malaika wakwa Shikulu akumenye wishi Zakariya, kabilo aile ku ng’anda kuli Elisabeti, kabilo ena ali kale imyeshi mutanda mu...mukuba nyina. Lelo aali talakwata umweo, aali nomwenso pantu umwana aali talaselapo. Ico tacali icalecitika lyonse.

¹⁹⁰ Kabilo Mupashi wa Mushilo, Malaika wakwa Shikulu amonekele kuli Maliya, nokumweba ukutiila aali “nokukwata umwana, ukwabula ukwishiba umwaume,” nokumweba paalwa mibele yakwa Elisabeti.

¹⁹¹ Aile mumpili sha Yudea, mukweba Elisabeti. Kabilo lintu akumenye Elisabeti, amwebele ukutila ena “ali nokuba nyina.” Kabilo ena alifililwe ukwiluka ico, “ukwabula ukwishiba

umwaume.” Lelo atile, “Mupashi wa Mushilo alinkupikila ine, nokutila ici cintu ca Mushilo ico cingafyalwa kuli ine aketwa ‘Umwana wakwa Lesa,’ kabili Nketa i Shina Lyakwe ‘Yesu.’” Kabili umuku wakubalilapo untu ishina Yesu lyalandilwepo nemilomo yamuntu, umwana umunono uwafwa, mwifumo lyakwa nyina, atolweke kunsansa nokupunda; nokutoloka mwifumo lyakwa nyina, kabili aali talapokelela umweo.

¹⁹² I Shina lyakwa Yesu Kristu lyalandile umweo mu mwana uwafwa. Ni cinshi ico Cena cilingile ukucita muchalichi icilanda ukufyalwa cipywa cipywa?

¹⁹³ Kabili twaikalefye abasasa ngamapofu mufyabikwa ukuti fisase, nokuleka ifintu ifyaba ngefyo filetwalilila. Kabili abaumfwa umwenso ukwiminina nokulanda pafyo uletontonkanya, nokususha fyonsse ifi ifyabolamo amano, ukulenga Yesu Kristu ukuba cimo cine mailo, ileelo, nomuyayaya. Yena ninshita ya Ciminshiminshi, ukufumya nefi fintu fya Santa Claus nefintu, ukuya na bulya ubuvelewele bwa makwebo. Nincende nshi mwaumfwa palwa kwa Santa Claus muli Baibebe? Kena kashimi kakale akaba Roma, takaba nangu cimo, takwaba icintu icaifyo. Mwilafunda abana benu ifyabolamo amano ngefyo. Ilyo ubushiku bumo mukafwaikwa ukumweba ukutila kena kali akashimi kacimpelesha, ninshi wabepa ubufi kumwana obe. Kabili cikonaula ubunte bwennu palwa kwa Yesu Kristu, ena akatila, “Nalimo Cena cintu cimo cine.” Bikeni Yesu Kristu Umukalamba Kasesema kacema mu Ciminshiminshi uko Yena yaba.

¹⁹⁴ Moneni, umfweni kuli uyu kasesema, Yohane, ilyo ena eminine palya. Ifwe bonse twalishiba ukutila ena ali umukalamba kacema kasesema. Nomba, ena alikwete imbila, Malaika alishibe ukutila ena ali nokulangisha Yesu.

¹⁹⁵ Nomba, ena taile ku seminali imo. Bena kuti batila, “Nomba, namwishiba ukutila Dokota *Wakuti-na-wakuti* muntufye uwakusenda icifulo nomba. Imwe mulingile ukumulangisha. Kabili namwishiba ukutila fye...” Mwamona, ena tekuti asankanishiwe nomuntu.

¹⁹⁶ Pa myaka yakufyalwa pabula, balitweba ukuti, aile mumatalolo mukuiteyanya ku cinso cakwa Lesa. Uko ekwafumine bakacema. Moneni imbila yakwe tayali nga kasambilila wa fyamipepele, na yamo ayakalamba, amashiwi ayakalamba ayapulishamo aya digri umo. Atile, “Oh, mwe nkulo yansoka.” Ukweba umuntu uwabukapepa ukutila, “Imwe mwebumba lyansoka.” Ifyo efyo amwene mumatalolo, amwene insoka. Icintu icacepesha ico asangile cali ninsoka, kabili alibetile bashimapepo na bashimapepo na bakasambilila wafya mipepele aba bulya bushiku, “Ibumba lya nsoka!” Atile, “Nani uwa misoka ukufuma kubukali ubuleisa? Mwitendeka ukutila, ‘Twaba kuli *ici*, kabili twaba kuli *cilya*,’ pantu Ndetila kuli

imwe ukuti Lesa aliba namaka kuli aya mabwe ukwimya abana bakwa Abrahamu.” Amabwe, ifyo ena amwene mu matololo. “Nacimbi, akasembe nakabikwa ku mushila wa cimuti.” Ifyo efyo alemona: insoka, ifimuti, amatololo. Kibili, mwamona, ilya yali ni mbila yakwe. Ena taishibe ifyebo ifikalamba ifya kwa dokota umo umukalamba uwafya mipepele (kuti a Cilondolola conse), ena ashimikilefyen bwino bwino ukukonka icifyalilwa.

¹⁹⁷ Ico eco tulelangisha pano: inkonto yakwakacema, kacema, impaanga, ukukonka icifyalilwa.

¹⁹⁸ Ni cinshi ico acitile? Alikwete icintu icikalamba icakucita, ena aali ni ulya uyo uwali nokwishiba Messiya. Atile, “Ndetila, ‘Naiminina pano pakati kenu nomba. Kibili tamwa Mwishiha, pantu amasambililo yamipepeple yalimilenga ukukakana, tamwaishiba apo mwaba.’”

¹⁹⁹ Ubusiku bumo Yesu aishile aleenda, atile, “Moneni, ulya aleisa Umwana wa mpaanga wakwa Lesa uyo usenda ulubembu lwesonde.” Umwana wa mpaanga! Alleluya! Icikonsolwelo icituntulu! Kuleisa ifyo impaanga yonse ukufuma kwibala lyu Edeni yafimbwa, u Muntu uwafye aleenda aleya kumumana.

²⁰⁰ Batile, “Yohane, musango nshi wa Cishibilamo? Nshamwenepo icintu cimo icaibela.”

²⁰¹ “Lelo Ndepela ubunte, Namwene u Mupashi wakwa Lesa uleikila nge nkunda, kibili ne Shiwi lyaletila, ‘Uyu e Mwana Wandi Uwatemwikwa muli Uyo Nasekelela ukwikalamo.’”

²⁰² Moneni i Nkunda no Mwana wa mpaanga. Mwamona? Ee. Nga cakutila cena cali...nga cakutila cena cali icintu cimo... Nga cakutila cena cali mumbulu ewaiminine palya? Ukuba, ulya u Mwana wa mpaanga nga taile pali...nangu ilya i Nkunda... Lesa aleimininako Umwine eka nge nkunda, icuni icanakilila pa fyuni fyonse ifya mu muulu; u Mwana Wakwe ukupitila mu mpaanga, inama iya nakilila nganshi pa nama shonse isha pe sonde. Mwamona, icuni cabusaka ica mu myuulu, te mwankole; te kubi, lelo i nkunda. Te nkumba, lelo umwana wa mpaanga. Imibele imbi nga tayaikatene capamo.

²⁰³ Kibili moneni lintu i Nkunda yaishile pa Mwana wa mpaanga, Yena yamatungulwile Ena. Te munshila Alefwailamo, lelo muno umo Taata enga mutungulwila Ena. Iyoine e nshila iyo umwana wa mpaanga alimo ileelo. O we mpaanga iya nshita ya Chiminshi minshi, bushe imwe tamwaishiba ukutila Lesa atungululafye ne Cebo Cakwe? Iyo e nkonto Yakwe.

²⁰⁴ Moneni takwali nangu cimo ico icali nokucitika, lelo Yohane atile, “Abashala bonse pakati kabo taba Cimwene, lelo Ndepela ubunte, ‘Ine nali Cimwene.’” Ukulangisha: “Moneni, u Mwana wa mpaanga uwakwa Lesa uyo uulesenda imembu sha pe sonde.”

²⁰⁵ Lekeni Ine nomba ntendeke i Mbila yandi iya Chiminshi minshi, kibili ilyo Ndeisalila nomba: “Yesu Kristu, uwaba cimo

cine mailo, ileelo, no moyayaya.” Ena eulya umo wine u Mwana wa mpaanga. Ena alifye nga filya fine u Mwana wa mpaanga Ali ileelo nga fintu Ali lilya. Ena alifye apakalamba pano nga fintu Ali kulya, pantu i Cebo Cakwe cabafye cimo cine. “Ponse apo bibili nangu batatu balongana mwi Shina Lyandi, palya Epondi pakati kabo.” Ico eco bwino bwinofyne Alandile. Ena tacinja, Ena ni Lesa i Cebo. Ena tacinja; acili aletwalililapo ukupela impaanga Shakwe kabilo nokushilisha shena ukupitila muli Kakumba Kasesema Wakwe, icakulya ca mpaanga Shakwe mukubalilapo. Te kuli balya abasambilila pamipepele; niku mpaanga Shakwe.

²⁰⁶ Bena tekuti...Kuti bena bambi balya shani Cena. Lelo abamano...Moneni ici! Lelo aba mano kabilo naba cenzela, aba kanshiwa bwino aba mwisonde, bena batwalilila ukukabila ukwakutila kwaliba Santa Claus. Kabilo kwaliba imisango yonse iya fyakupanga kabilo ne fintu ifyo bapepa, pantu bena tekuti bamupokelele Ena, i Cebo; pantu mu filonganino fyabo, Cena tacalingana nefyo bafwaya, ukulalika ba kakumba aba bushiku. Ukwingsha ukufuma mufyo basuminamo, ifyo ifingafwaya ukwampanya imwe pe samba lya mbushi imo, bushe imwe tamulecetekela ico! Bena bali nokutungula imwe mulya umwakwipaila. Umfweni Kacema Mukalamba uyo uwa fyelwe imyaka imyanda ikumi na pabula iya pitapo, uno umweshi. Inshita shimo kulya kwi shilya, mu Mbila Yakwe, kwaishile ba kacema abacine abo abaishibe ifya kusakamana impaanga.

²⁰⁷ UKumona ukutila, bena bacili balekabila cena. Bena tekuti bapokelele Ico ileelo, cimo cinefye nga fintu bena tabacitile lilya, pantu cena tacaikatana pamo nefya bu shimapepo ifyo bafwaya. Bena balapilibula cilya i Cebo nokucilenga cena ukulingana nefyo bafwaya mu kabungwe kabo, kabilo bena tekuti bashimikile i Cebo. Bena tekuti! Batila, “Ukuba, ico cali mu nshiku sha batumwa. Cena tacipilibula *ici*.” Cena cipilibulafye bwino bwino ico Cena cilanda, Tacikabila nangu umo...?...ukupilibula Cena kuli bena.

²⁰⁸ Nomba lekeni pali ino nshita tukontamike imitwe yesu ne mitima yesu ukulola ku lukungu ulwa mushili, kabilo mwangufyane mucituntulu ukuya mu mukondo, ukumona nokupokelela u Lubuuto ulo ici i Cebo cileta ukupitila muli ba Kacema: u Mukalamba Kasesema Kacema, Yesu Kristu u Mwana wakwa Lesa. Nacilanda naimwe pa nshita iitali. Ine limbi tekuti mbike bwino amashiwi yandi nga fintu shimapepo engacita, Ine nshesha ukucita ifyo. Ndesha uku Cilanda nga fintufye Ena a Cipela kuli ine.

²⁰⁹ Lelo, bushe imwe namumona umulandu cena cabelele ba kacema? Bambi bali abakanshiwa nganshi mwi tontonkanyo limbi mpaka bena bakene uku Cipokelela. Kabilo ileelo twalikwata imisango yonse iya ba kacefya, umuntu wapa boma, ba bishopo, ba shimapepo, ba kadino, naba papa, ifintu

fyonse mwi sonde, ukwesha ukututungulula. Lelo Lesa alitupela Kacema, kibili noyo Kacema ni Mupashi wa Mushilo.

²¹⁰ Kutikeni kuli ine nomba. “Lintu Ena . . .” (te tontonkanyo, *Ena lishina lyakwe*) “Lintu Ena Mupashi wa Mushilo aisa (u Mupashi uwa Cine), Ena akasokolola ifi fintu kuli imwe ifyo Nandile kuli imwe, kibili akalangisha imwe ifintu ifili nokwisa.” Uyo e Kacema Mukalamba, Uyo e Kacema Yesu ashile. Kibili Mupashi wa Mushilo ewa lembele Baibele, Baibele efyo yalandia, “Umuntu uwa kale, uwasendelwe na Mupashi wa Mushilo, alembele i Cebo.” Nomba, bushe Mupashi wa Mushilo kuti akutintila ku cisumino? Bushe kuti Ena akutintila ku—ku cintu cimo ico ici i Cebo tacalanda? Mulandu nshi, cena tekuti mukupwililika cicitike. Mupashi wa Mushilo kuti aba uwa bufi nga cakutila Alandile ukutila “*Ici eco iwe ufwile wacita*,” kibili nomba wapilibuka nokutila, “Iyo, Cena cali icilubo, kibili wacita ico ichalichi cakweba ukucita.”

²¹¹ Nomba, nga cakutila iwe waciba ulekutika ku cintu cimo, na umo akutinta ukukufumya ku cituntulu, Kacema uwa cine uyo ali noku kutungulula ku Cebo, Mupashi wa Mushilo, kibili iwe tawakwata no kwishiba, kibili iwe tawakwata icakushininkisha ica Mupashi wa Mushilo mu mweo obe, ico ukwabula . . .

²¹² Lesa aba Umo. Lesa eumofye umo uwakwata u Mweo wa Muyayaya, kibili Ena Mweo wa Muyayaya. Kibili icintu conse ico icakwata ukutendeka calikwata impela. Kibili nga cakutila iwe ulifye membala uwa chalichi, cena calikwata ukutendeka. Lelo i Cebo cakwa Lesa tacakwata ukutendeka, Lesa takwata . . . Kibili lintu iwe wafyalwa kuli Lesa, iwe wafyalwa ku Cebo, nomba iwe waba umwana wakwa Lesa, kibili ne shina lyobe lyabikilwe mwi Buuku lya Mwana wa mpaanga ilya Mweo ilyo umufula we sonde taulabako. Kibili iwe, umusango wa mushishi wakwata, umusango wa menso iwe wakwata, imimonekele iyo iwe wabamo, Lesa akumwene ilyo umufula we sonde taulabako. Kibili Akumwene, we muntu nse, nga fintu waba. Kibili nangu kwingesa imyaka ama millioni cibe, takuli nangu cimo icingakulesha iwe ukwisa ukubwelela kuli cilya icapwililika icipasho ico Lesa alashike pali iwe mukutendeka, “impaanga Shandi shumfwa i Shiwi Lyandi, umweni tekuti shimukonke.”

²¹³ Kibili nga cakutila iwe wakana ukupokelela ulya u Mweo wa Muyayaya, muli ino nshita ya bushiku, kibili iwe ulelolesha pa—pa—pa lyashi lyakupanga ilya mwana umunono nalala mu—mu—mu mukondo, kibili ne bumba lyaba mano nalishinguluka, taufwile iwe ukucetekela ifintu ifyaba ngefyo. Kibili ukwesha ukutontonkanya, “Ukuba, Ndi nokuba umusuma. Kibili Ndi nokucita *ici*. Kibili Ndi nokuyampanya ku chalichi. Kibili ifyo fyonse efyo Ndefwaya ukucita.” Imwe ninshi nauluba. Nga cakutila iwe tawakwata u Mweo wa Muyayaya, kuti waikala shani umuyayaya?

²¹⁴ Iwe tekuti ubule ulubuto lwe taba, Nshilesakamana ifyo lwena lwingaba ulwa moneka bwino mukumoneka, iwe kuti wapa-... Science alipanga lumo, ulo iwe wingaputula waisula: lwena lwalikwata umusango umo wine uwa menshi, umusango umo wine uwa mutima, ifintu fimo fine ifyo ulubuto lulya ulwamena mwibala lwakwata, icintu cimo cine. Iwe kuti wabika shena umwakweseha, kibili iwe teti upusanye lumo kulunankwe: umo kuti apangafye umukate umo uusuma uwa mataba kwati niumbi, umo kuti apanga umusango umowine uwa tupapatu twa mataba. Lelo inshilafye imo iwe wingeshibilamo shena, kushika shena. Lumo ulo umuntu apanga, lulekala mulya, lwena lulabola kibili talutula. Lelo lumo ulo Lesa apanga, lwalikwata umweo wa bumi, lulaba no mweo nakabili.

²¹⁵ Iwe limbi kuti wapashanya umwina Kristu, kuti waya ku chalichi ngo mwina Kristu, iwe kuti walemba ishina lyobe mwi buuku ngo mwina Kristu, iwe kuti wayampanya ku cilonganino ngo mwina Kristu; ico kuti caba icalungama bwino, lelo kano ulya u Mweo wa Muyayaya waba muli iwe ulya ukutila ulya Kacema Musuma apelelepo u Mweo Wakwe, ukupatulula... Lintu Lesa aikile pa Pentecosti, Ena Aikile pansi mu mibebe ya mulilo uwabulungana kwati nga filya acitile pa Lupili lwa Sinai, kwati nga filya Acitile kuli kacema wakubalilapo, Mose. Kibili lintu Aikile pansi, Aipatulwile Umwine eka mundimi isha mulilo shilya ishaikele pali cila umo pali bena, Lesa ukupatulula Umwine eka mukati ka bantu Bakwe. Kibili kano fye mwapokelela cilya ico... Petro alandile ukuti "Cena cili kuli imwe, na kubana benu, nakuli abo ababa ukutali."

²¹⁶ Ba cibusa, tamufwile ukumfwa kuli conse ica bufi ica ba kasambilila ba mipepele, imwe mufwile mwafyalwa cipyap cipyap. Kibili lintu imwe mwaba, u Mupashi uyo uuli muli imwe lubali lwakwa Lesa, kibili ulaba ubunte ku Cebo conse kuca mibebe yakwa Lesa "I Cine." Nga cakutila iwe tawakwata uko ukwishiha, lekeni ifwe twangufyane ukuya ku mukondo, ku Cebo. Lekeni twangufyanye ukuya ku Baibele, ukufuma kuli aya amashiwi ya chalichi aya wamishiwa nabasambilila amapepo, tuye ku mukondo uwine wine, ku Cebo cakwa Lesa uko Messiya alengwa ukwishibikwa.

Ne mitwe yesu iyakontama, natupepe.

²¹⁷ Lesa Mwebatemwikwa, ico conse eco Ine njishibe ukulanda pali iyi nshita. Tulepalamina ku Ciminshi minshi, imisebo naisulamo abaume na banakash, abalumendo na bakashana, balesunkana, balesunkana na maka, baleesha ukushita icabupe icakubweseha ku muntu umo uyo uwabapele mu musango umo wine. Abantu abengi abaita abene abena Kristu bali pa misebo baleshita imishanga, ubwalwa, ifyakupela pa Chiminshi minshi. Lesa, cena cilemoneka kwati bena baleposa ifyo ukubwelela pa cinsu Cenu, ukufundisha abana babo ba cabufi cimo, ica ci Roma, icakufundisha ica busenshi ica wa Shila Nicholas, cimo

icabufi ico icaanguka ukupokelela kwi sonde, kibili bakana Kristu umutuntulu wa Chiminshi minshi, u Mwana wa mpaanga umwine mwine.

²¹⁸ Lesa, Napepa, muno nshita ya bushiku, ukutila nga fintu ifwe tubikile imitwe yesu pansi ukulola ku lukungu uko Imwe mwatufumishe,...Imwe mwaebele Abrahamu pa muku umo, ulya umukalamba kasesema kacema ukutila, "Kabiye, Abrahamu, nokupenda umusensenga uuli kululamba lwa bemba."

²¹⁹ Kibili abweseshi icebo atile, "Wena tekuti upendwe, tekuti Ngupende."

²²⁰ Nomba Imwe mwatile, "Lolesha ukulola mu myuulu, kibili penda intanda." Kibili alishibe ukutila ico tekuti cicitike. Kibili Mwatile kuli ena, "Efyo ulubuto lobe lukaba." Tulolesha kuli ilya imfila kuli ulya kacema kasesema, "ukufuma ku lukungu lwa mushili, ukufika naku ntanda isha mu muulu," ukutila nangu kukaba imfwa mu mibili yesu iyamfwa ukututwala ku lukungu, kuliko u Mweo uyo uwingatwimya ukufika ku ntanshi.

²²¹ Nga fintu Imwe mwalandile kuli kasesema Wenu umukalamba Danieli, "Na bonse balya abaishiba Lesa wabo, mu nshiku isha kulekelesha, bakacita ifipapwa ifikalamba. Kibili nabo abapilibula abengi ukuya ku bulungami bakacilapo pa ntanda umuyayaya no moyayaya."

²²² Shikulu Lesa, Kabumba Mukalamba, Uyo uwakabile nganshi ukwisa pe sonde mu mibele yakwa Yesu, ukuleka umuntu ukwishiha untu Lesa aba. Kibili Niwe weka Umo uyo uwasendele ukukandwa kwa mfwa, te Malaika, takuli icakupyanikishapo icinga cita ico. Iwe niwe Umo uwabikile ukukandwa, kibili Iwe weka niwe mukulungamika wewinga fumyapo wena. Kibili pakuba u Mupashi, Iwe tekuti ufwe. Lelo Iwe walengelwe umubili eico Iwe kuti wafwa; nokuba u Mwana wa mpaanga ukutila Iwe kuti wafumyapo ulubembu ulwa ba Lubulwa Bobe, abo Iwe walubwile no Mulopa Obe Wine.

²²³ Oh, ilyashi likalamba nganshi, Shikulu, lyena lyaliya na pamitwe ya bengi nganshi. Ukutontonkanya: "Yehovah Munono, uwalele mu mukondo, Ena aikele ngo mwana. Yehovah Munono, afyalilwe mu mulimba. Yehovah Munono, aleangana na bana pa musebo. Yehovah Munono, umulumento. Yehovah Munono, uwaku sukuulu. Kibili Yehovah, Uwa maka yonse." Iwe wabulile incende shonse ishi. "Kibili nomba, Yehovah, u Mwana wa mpaaga. Yehovah, Kasesema." Kibili Iwe waishileba fyonge ifi pakutila Iwe wingacula ukukandwa kwa lubembu, kibili ukupela ifwe u Mweo wa Muyayaya.

²²⁴ Tweeleni ifwe, O mwe Lesa, ifwe, abalandi, ifibumbwa ifi shafikapo ifya lino i sonde. Ifwe tuli abacimfiwa muno nshita ya bushiku, Shikulu, lintu ifwe twabelenga ico Iwe wacita kuli ifwe, kibili ifwe twacitafye icinono icakubwekehapo kuli imwe.

Ifyo Iwe waishile mu nshiku isha ntungulushi shikalamba isha bukapepa! Ifyo Iwe wali uwakabila ukwiminina nokulangisha i Cebo cakwa Wiso! Ifyo Iwe tawaumfwene pafya kulanda fyabo! Kabili ileelo cilemoneka kwati tapali nangu umo uwingafwaya ukwiminina nokwita i Cebo nakabili “I Cebo,” kabili nokukana umfwana. Twapepa, mwe Lesa, Iwe utwelele pa fintu ifi ifyo ifwe twalekelesha nganshi. Kabili nokupela kuli ifwe mu nshita ino iya bushiku, mu mitima yesu, nga fintu ifwe twapela kuli Iwe ngo mukondo. Kabili ifwe natwishiha ukutila inshita yonse iyo Kristu uwa Tanikwe napokelelwa, kuli ukufyalwa cipy, kuli impaanga ipya iifyelwe, kuli ukwimba mu Muulu naba Malaika. Pa mubembu umo uyo uwalapila, ba Malaika baleimba nakabili.

²²⁵ Twapepa, mwe Lesa, nga cakutila kuti kwaba bamopano muno nshita ya bushiku abo abashaishiba Iwe nge Cabupe icituntulu icakwa Lesa, nga Kalubula wa bantu, teca kutunganyafye mu mano, lelo ukupitila mukufyalwa cipa (ukuba abafyalwa ku Mupashi Obe), lekeni bena bapokelele Wena nombalinefye, Shikulu, ne mitwe yesu iya kontama. Kabili nga cakutila kuti kwabako umo, Shikulu, uyo uushacita ici, lekeni imitima yabo ipokelele ukusangalala nomba, no kusanga kwati ni bakacema aba kale, mu mukondo wa mutima wabo, i Cebo, Messiya; uyo uuli nokushininkishiwa kuli bena nga Mupashi wa Mushilo, Kacema Mukalamba uwa buno ubushiku. Twaipusha ici mwi Shina lyakwa Yesu.

²²⁶ Kabili ilyo imitwe yesu naikontama, kabili Nincetekela ne mitima yesu naikontama, bushe iwe—bushe iwe, we mutemwikwa munyina, nangula iwe wingaba membala wa chalichi... Kabili Ninsubila ukutila Nshicenene iwe mukulanda ico Nalandafye. Ine... Cena cintu calungama ukuba mu chalichi, tufwile twacita ico, lelo, O munyina, iwe taufwilefye ukupokelela ico, iwe ufwile wafyalwa cipy cipy. Ifyo efyo Umukalamba Kasesema Kacema alandile ukutila, “Iwe ufwile wafyalwa cipy cipy.” Alandile ico kuli kasambilila wafya mapepo, “Iwe ufwile wafyalwa cipy cipy.”

²²⁷ Kabili lintu iwe wafyalwa cipy cipy, cena tacilifye icakutila pantu iwe naucetekela. Batila, “Iwe ufyalwa lintu wacetekela.”

²²⁸ Lelo Baibele yatila, “Neciwa cila cetekela pamo.” Nomba, moneni, cena tacaba ifyo, cena cintu waishiba.

²²⁹ Watila, “Ukuba, Ine nalikala ubwikashi ubusuma.”

²³⁰ Ifyo efycitile na batumwa, lelo bena tabafyelwe cipy cipy mpaka bena bapokelele Mupashi wa Mushilo. Bena tabapilibwilwe mpaka lintu bapokelele Mupashi wa Mushilo. Imwe muleibukisha ubushiku ilyo tabulafika ubwa ku futukwa...nangu paku futukwa, ilyo fye uku futukwa takulacitika? Yesu atile kuli Simoni Petro, “Lintu iwe ukapilibulwa, nomba ukakoseleshe ababwananyina bobe.”

Kabili Petro a Mukonkele pa myaka itatu na citika, kabili atamfishe ne fiwa, no kundapa abalwele, ashimikile i Mbila nsuma, kabili cibe (umwabela i Cebo) tapilibwilwe noku pilibulwa.

²³¹ Nomba, bushe kuti wafwaya u—umusango wa iyo Inkcombe mu mutima obe muno nshita ya bushiku? Nga—nga cakutila iwe icine cine ulefwaya Ico...Cena tacilepangapo ubulekano ubuli bonse kuco umuntu onse umbi alelanda, Cena e cine, munyina, nkashi. Ninjishiba ico ukuba icice. Bushe kuti iwe, ilyo umutwe onse naukontama ne linso lyonse naliscalwa, tekuli ine, Ndi mutu fye, munyina obe, lelo kuli Kristu kuti waimyako ukuboko kobe, nokutila, “Ine nacetekekela Ico. Kabili Ndefwaya icine cine ukutila Kristu ese mu mutima wandi, Kristu umwine mwine uwa Ciminshi minshi”? Bushe kuti waimyako ukuboko kobe nomba? Lesa akupale. Ico cisuma. Lesa akupale, pamo. Lesa akupale. Nokwandi, amaboko yali konse konse.

²³² Leka cicitike, munyina; lekeni cicitike, nkashi; leka cicitike, cibusa wandi; isushiwamo no Mupashi wakwa Lesa. Bulekano nshi cena cilepangapo paco umuntu onse alelanda? Ibukisheni, cena mweo obe. Ifwe nga tatwaciba napo pe sonde muno lucelo, ifwe tatkhwete—tatkhwete ukushininkisha ukwa kuba no mweo nakabili ukucila paco ifwe tulepema mu myona yesu nomba. Ifwe limbi tekuti tupeme ukupema kumbi, kanofye ukusenamina kwakwa Lesa. Kabili busuma nshi ubo cena cilecita, temulandu ifyo iwe waikala icisuma nangu cinshi...? Yesu atile, “Kanofye umuntu afyalwa cipyia cipyia, ena takatale mu mano yonse ukwingila mukati.”

²³³ Nomba, Nalishiba *amashiwi* aya kufyalwa cipyia cipyia ifyo yaba, lelo lekeni tumonefye icacitike muli Baibele lintu bena bafyelwe cipyia cipyia. Petro ali uwacetekela, abatumwa bali abacetekela, lelo bena tabafyelwe cipyia cipyia mpaka panuma Mupashi wa Mushilo aponene pali bena pa Pentecosti. Nomba, bena balesunguka paca citike, kabili Petro atile, na bonse abashala, “Imwe mwe bantu bamu Israeli, lekeni ico cishibikwe kuli imwe ukutila; Yesu umwina Nasareti, umuntu uwa shininkishiwa na Lesa pakati kenu ukupitila mu fishibili ne fipapwa ne fisungusho, ifyo Lesa acitile ukupitila muli Ena; Ena uyo uwaishibikilwe libela, ukupitila mukupwisha cimo iwe wasendelwe pamo na maboko aya bifì nokutanikwa, Untu Lesa abusha kabili ifwe tuli nte Shakwe. Ena asumishe ukufuma ici ico imwe mumona nokumfwa nomba, kabili cena cabela umwabela Amalembo.”

²³⁴ Kabili nomba, lintu baumfwile ici, balashilwe mu mitima yabo, kabili atile, “Mwe bantu naba bwananyina, cinshi ico twingacita ukuti twinga pusuka?”

²³⁵ Petro atile kuli bena, “Lapileni!”

²³⁶ Nomba, cibusa wandi Katolika uwikele pano, ico Ninjishiba bane nangula basano bekele pano. Nalelanshanya ici na shimapopo wenu, limbi tekuti abe shimapopo *wenu*, lelo umo pali bashimapopo ba Katolika, atile, “Yesu apele ichalichi amaka ayakufumya imembu, ‘Onse uyo uwabembuka imwe kufumya, kuli bena shalifuma; onse uyo mwasungila ulubembu, kuli bena nashisungwa.’” Ico e cine. Lelo lekeni tumone ifyo ena acitile ico, ifyo abatumwa bakonkele umutande Wakwe, tacaba umwabela inshila balya—balya ba shimapopo bacitilamo ileelo.

²³⁷ Lelo cinshi ico shimapopo wakubalilapo acitile, nga cakutila imwe mulefwaya ukumwita ico, Petro, ulya uwakwete imfungulo isha Bufumu, nimu musango nshi alandilemo ukutila mulecita ico? Atile, “Lapileni, cila umo pali imwe, no kubatishiwa mwi Shina lyakwa Yesu Kristu pa kulekelewa ukwa membu, kibili imwe muli nokupokelela icabupe ica Mupashi wa Mushilo. Pantu ubulayo buli kuli imwe, na kubana benu, nakuli bonse abo abali ukutali, na kubengi Shikulu Lesa wesu ali nokwita.” Kibili nga cakutila Lesa acili aleita, ukwishiwa kumo kwine kuli imwe nga cakutila imwe mulekonka icalembwa cimo cine. Nga cakutila ulu ulukuta lwacetekela Ico, ne mitwe yenu iya kontama, tileni, “Ameni.” [Ulukuta lwatila, “Ameni.”—Kale.] Nomba, icili conse icishifikilepo pali Ico nacipusanako ku Cebo, kibili tacili umwabela Kacema.

²³⁸ Shikulu Yesu, bena bali mu maboko Yenu nomba. Napepa ukutila cila mutima onse uwaisuka muno bushiku uyo uushakwata Kristu, Messiya (kibili Kristu e Cebo, i Cebo icasubwa icasokololwa), kibili nga cakutila kuli imitima yonse iiswike pano muno nshita ya bushiku iyo iishakwata Messiya, i Cabupe icituntulu ica Ciminshi minshi, i Cabupe fye cimo icituntulu ica Ciminshi minshi, icilipo ico Lesa apele isonde, kibili nokulanda Cena kwi sonde ukupitila muli ba kacema, aba Mpaanga Shakwe, Icikonsolwelo ca lubembu, kibili nga cakutila uyo umutima nawisuka muno nshita ya bushiku, bika muli cena, Shikulu, Messiya i Cebo ca leelo. Twababika kuli Imwe mwi Shina iyakwa Yesu Kristu, u Mwana Wenu. Ameni.

²³⁹ Bushe mwali Mutemwa? Bushe mwali Mucetekela? “Fwayeni mukubalilapo u Bufumu bwakwa Lesa, no bulungami Bwakwe, ifintu fyонсе fimbì fili nokulundwako kuli imwe.”

²⁴⁰ Ba cibusa, ilyo ifwe tatulasalangana, Ndefwaya ukulanda ici. Imiku iingi, Ine tabangumfwikisha. Ine nalikwata i Mbila ukufuma kuli Lesa, kibili Mfwile nalanda iyo Mbila nangu cingaba shani. Ninjishiba Yena tabayumfwikisha. Nga cakutila Yena tayali ifyo, nomba Yena tekuti ibe i Mbila yakwa Lesa; Yena tekuti ibe. Kuli ukonaika ukwingi ileelo pantu Yena taifwile yaba iyakukana umfwikisha. Nacetekela ukutila Lesa alikwata umuntu mu cilonganino conse namu kabungwe aka mwisonde, kibili cena tacili icakutila Ndewishwa aba bwananyina bandi. Naishile kuno ku Tucson, imyaka itatu iya pitapo, kibili

nakwete ukulongana pamo naimwe ba kapyunga palya pa ncende yakwa Munyina Gilmore, kabili kwaipushiwe, bushe Ine “naisa kuno ukutampa i chalichi?”

²⁴¹ Natile, “Iyo, mukwai. Naisa kuno mukwafwilisha *imwe*.” Lelo Ine tabanjipusha nakabili, mu myaka itatu. Lelo cimo cine fye, Ndi pano ukwafwilisha imwe. Ndi pano ukwikatana amaboko pamo naimwe, te kwikatana mutubungwe pamo naimwe, lelo ukwikatana amaboko ne mitima pamo naimwe pa Cebo cakwa Lesa, ukwesha ukushimikila i Mbila nsuma ku mweo onse uwaluba kabili no muntu onse uulekabila uuli pe samba ya mashiwi yesu.

²⁴² Ine naipela pa lwandi kuli Lesa, muno bushiku, no mutima wandi onse, na fyonse ifili muli ine. Ine nshikwete ifingi ifya kupela; Ine tekuti ndete ifya mununko uusuma, murri, golide, pantu Ine nshikwete nangu cimo. Lelo conse ico Ine nkewete muli ine pa lwandi ico Lesa apela ine, nyuyu umweo, Nabika wena kuli Ena cipyia cipyia muno nshita ya bushiku, pa mukondo uwa Cebo Cakwe mu mutima wandi; no kulaya Ena, ukwiminina pamo na cilya i Cebo, nga cakutila Ena ali nokuleka ine ukwikala umwaka naumbi, ukubafye uwa cishinka nga fintu Ine ningeminina; ukushimikila Cena conse, nokucetekela Cena conse; eico, ngafwilisheni ine, mwe Lesa. Bushe kuti mwacita cimo cine pamo na ine?

²⁴³ Tupokeleleni, Shikulu. Twapokelela i Cabupe Cenu ica Ciminshi minshi, Messiya, i Cebo icasubwa ico icishininkisha Ukubapo Kwenu pamo na ifwe, Shikulu, temulandu ne cisumino nangu icilonganino. Ifwe tuisangamo, pa lwesu ileelo, isonde nalyakanikanamo, kabili pano Messiya mukalamba naiminina na maboko Yakwe nayatambalala: Yesu Kristu uwaba cimo cine mailo, ileelo, no muyayaya, ulya uwapangile ubulayo bonse, ukutila muli shino nshiku shakulekelesha, ichalichi cikaba icaikatana nganshi mpaka cikaye mu Laodekeya. Kabili tulemona cena ileelo, Shikulu.

²⁴⁴ Cinshi ico twingacita, mwe Lesa watemwikwa? Cinshi ico Ine ningacita? Ngafwilisheni pamo naba bambi ba kacema, Shikulu, ukuya monse mwi sonde, ba kacema ca Cebo, ukulanda Cena, Shikulu, muli uyu umwaka ulekongkapo. Twafweni, Shikulu, twapepa. Tupeleni Ukutemwa Kwenu no Mupashi Wenu no Lubuuto Lwenu. Twaibika fwebene muno bushiku ku Cebo Cenu nakubwite Bwenu. Mwi Shina ilyakwa Yesu Kristu, twapokelela i Cabupe Cenu ica Ciminshi minshi: i Cebo cakwa Lesa icapangwa umubili muli ifwe. Ameni.

²⁴⁵ Nalitemwa inyimbo shamu chalichi. Paulo atile, muli Baibebe, “Lintu Naimbile, Naimbile mu Mupashi. Nashimikile, Nashimikile mu Mupashi. Lintu Ine...conse ico Ncita, Ncita cena conse mwi Shina ilyakwa Yesu Kristu.” Nomba, pakuba icakutila Ici cili ica kutendwisha pali imwe...Kabili Ine—

Ine ndetotela imwe. Ninjisa pamo neyi i Mbila. Inshita shimo cena cimoneka kwati Ine napatafyé ukulanda Cena, lelo cibe Ndi—Ndi uwa pa mulimo, mweba bwananyina. Nga cakutila Nakana ukucita ico, Ndi myalu myalu. Nga Nakana ukucita ico, Ndi kafutuka kuli kampingu wandi, kabilii necicetekelo candi—candi mu Cebo cakwa Lesa. Mfwile nacita ico, tekuba uwa pusanako, lelo ukuba uwa cine ku bwite bwandi. Kabilii Ndefwaya ukwafwilisha imwe bonse, Ndefwaya ukucita conse ico Ningacita.

²⁴⁶ Nomba lekeni twimbe lumo ulwa pa nyimbo ishikalamba isha pa nshita shonse, Nalilutemwa nganshi bwino, *Nalimutemwa Ena*. Mwalishiba, Nincetekela nga cakutila ifwe fye bonse twalitemwa Ena, ifwe kuti twacita ico Ena atwipusha ukucita. “Ifyo ena anjita Ine, ‘Shikulu,’ kabilii imwe tamucita ifyo Myeba ukucita? Nga imwe munjita shani Ine, ‘Shikulu,’ kabilii nomba mulakana ukucita ifyo Njeba imwe ukucita?”

²⁴⁷ Bushe iwe kuti watemwa ukukutika kuli kacema uyo baingisha incito uyo uwingalanda ukutila “bika ishina lyobe mwi buuku, nokuyampanya; buleni uyu umulalilo, landeni *ici*, kabilii cena conse nacilungama,” lintu Kacema u Mukalamba pa Lwakwe umwine atile “kano fye umuntu afyalwa cipyap cipyap tekuti nangu amone Ubufumu bwamu Muulu”?

²⁴⁸ Kabilii lolesheni pali balya abakanshiwe ba kasambilila aba fya mapepo aba bulya ubushiku, abakanshiwe! Aba mushilo? Abekala ubwikashi ubwa wama? Tatukwete nangu cimo icakupashanya kuli cena ileelo, umusango baikalilemo. Kabilii cinshi ico Kacema Mukalamba abetile? Atile, “Imwe muli bakwa shinwe ciwa,” pantu bena tabacitile... Baishibe i Cebo, lelo i Cebo camu bushiku bumbi, te Cebo ca *bulya* bushiku.

²⁴⁹ Nga cakutila bena baishibe inshita yakwa Noa, ico cilifye icalungama, iyo yali ni nshita yakwa Noa; lelo cena tekuti cibombe mu nshita yakwa Mose. Kabilii inshita yakwa Mose tekuti ibombe mu nshita yakwa Kristu. Mwamona? Inshita yakwa Luther teti ibombe munshita yakwa Wesley. Inshita yakwa Wesley teti ibombe munshita ya Pentecosti. Kabilii Pentecosti alicita icintu cimo cine ico bonse abashala pali bena bacitile. Nomba, ninani uwapelä kuli ine ubwafwilisho mu nshiku ishapita? Imwe efyo mwaipwishe.

²⁵⁰ Lintu ibula lya cani lyakula, ciba cinshi? Cinshi... lintu ibula lya ngano lyakula. Yesu atile, “Kanofye ulubuto lwa ngano lwaponena mu mushili.” Cinshi icicitika lintu ulubuto lwa ngano... nangu ingano yaponena mu mushili? Icintu icakubalilapo icisa kalibula akanono. Kena—kena takaba kwati lubuto ulwaingile mu mushili. Moneni pa bubumbo. Lwena taluba ngo lubuto ulwaingile mu mushili, lelo lwena ni lukasenda lwa Mweo wa lubuto. Cinshi icafumine... .

²⁵¹ Umucece ulya uwalembele lilya ibuuku ilya ishibikwa, *Lesa Uwaba Tondolo*, lyena lyatila, “Kuti kwaba shani Lesa uwingesula Bemba wa Kashika, kabilo nokwiminina imyaka ikana limo ilya nkulo ya fita kabilo nokumona abana abanono ba balya ku nkalamo, na bantu nabatanikwa pafya pindama, kabilo no kwipaiwa mu fibansa ne fintu, kabilo nokukana isula akanwa Kakwe?” Mwamona, i Cebo busokololo.

²⁵² Ilya i ngano, lintu ilya i ngano iituntulu yatampile pa kutendeka, yena yafililwe Lesa. Kabilo mukulekelesha kwaishile i Ngano, iituntulu ikalangisha Lesa, ilyo ilya langishe i Cebo Cakwe conse icakutila ukuti Ena ewali i Cebo. Nomba Lesa apele Ena Nabwinga pa Pentecosti; lelo ulya Nabwinga aponene mu mushili ukupita mu nkulo isha mfifi, cimo cine fye nga fintu ulubuto ulutuntulu lwacitile, Lwaponenembo. Kabilo mulandu nshi talwabombele? Pantu lwena lwafishilwe pe samba lyu mushili, lwena lwabolele ilyo talulati lufumye umweo.

²⁵³ Lelo kwaishile shimapopo umunono pa nshita imo, uwe shina lyakwa Martin Luther, kabilo asalangenye i Cebo cimo ica Cine: “Abalungami bali nokwikalila ku cicetekelo,” kwaishile fuma ibula; kabilo ibula limbi lyakonkelepo, Zwingli, kabilo nomba kwaishile Calvin na Knox nokutwalililapo ukufika pe samba.

²⁵⁴ Icakubalilapo ico mufwile ukwishesha, cacinjishe ibula lyaciko, caile mu mpupunga. Nomba, cena camoneke panono kwati ni cena, lelo nangu cibe ifyo tacali icintu icituntulu icaile mu mushili, kwaishile Wesley akonkapo. Ukufuma muli Wesley kwaishile i chalichi ca Methodisti, ukufuma ku chalichi ca Methodist kwaishile ba Nazarine, ba United Brethren, nefyaba ngefyo. Cinshi ico cena cacitile? Cena caponene nakabili nokuleta, camoneke kwati lubuto ulutuntulu ulwa ngano nomba, Pentecosti.

²⁵⁵ Nomba, moneni Yesu, muli Mateo 24:24, “Mu bushiku bwa kulekelesha, imipashi ibili ikaba iyapalamana nganshi mpaka kuti cabepa naulya uwa Salwa, nga kuti cena cacitwa.” Nomba, lintu lulya ulubuto lwa ngano lwafuma, onse kakusha wa ngano aleshiba ukutila lwena lumoneka kwati luntu lwa pwililika, ulubuto lwa ngano. Lelo iwe waikalako nokulubika mukuboko kobe, waisula lwena. Mwena tamuba ingano muli lwena, cena cipaapa. Lelo ukubwelela kulya kunuma, pesamba lyaca kupiminako kuti wamona icinono icilebalula, ulo ululeisa e lubuto. Kabilo nomba ico cipaapa kuti cacita inshi? Cena kucingililafye ulubuto, akasuba akakaba kuti kaipaya lwena, cena cicingilila ulubuto mpaka ulubuto lwakula. Kabilo nomba lintu ulubuto lwakula, icipaapa cilaponako cafumako. Lelo, bushe mwalimona, lulya ulubuto nomba ulwaisa fuma, lufwile ukuba umusango umo wine uwa lubuto lulya ulwaile mu mushili.

²⁵⁶ Panuma yakupuputula kwakwa Luther, kwaishile

akabungwe. Panuma yakupuputula kwakwa Wesley, kwaishile akabungwe. Panuma yakwa Alexander Smith, John... Alexander Campbell, John Smith, bonse abashala, mwafumine akabungwe. Panuma ya Pentecosti, ukuya fye kwati cintu icituntulu, lelo caisheleba akabungwe. Cinshi ico cacitile? Cafumineko.

²⁵⁷ Twalikwata imyaka ikumi naisano iya kupuputula, cena tacatala ukwishibikwa mu lyashi lyonse. Kibili moneni, muli iyi imyaka ikumi naisano iya kupuputula, Caile monse mwi sonde, takwaba akabungwe kamo akakulwa ukufuma muli Cena. Nikwisa Cali? (Cena catampile mu mfula yakonkelepo, cena cafwile mu caciko... palya pene, cafwile.) Takwatala akuba akabungwe akakonka pali Ici. Mulandu nshi? Cena lubuto palwa Ciko, tekuti kube nakabili. Kibili necipaapa cileya cilefumako, takuli ukumfwana, takuli nangu umo uulefwaya iwe. Mulandu nshi cibelete ifyo? Cena cifwile ukuba Ifyo.

²⁵⁸ Mulandu nshi ico cilya i chalichi cabikilwe palya? Kutungilila Cena. Kwisa... Ninani uwali nokumfwana? Cinshi Baptisti, nangu Presbyterian, nangu Lutherani nga batungilile ukulongana ukwa Maka? Nomba lintu i Cine caisa, cinshi icicitike? Te cipaapa; lelo u Bumi bulafumamo ukufuma mucipaapa, nokwingila mu lubuto, u Bumi ubutuntulu ubwa cine. Akabungwe kaiminina palya, kafwa, kwatifye fintu kena kacita mu nkulo yonse, kena kaya mu musango umo wine. Iwe fuma muli ico, imyaka amakumi yasano iyapitapo, kibili wena wabwekele muli lwena nakabili! Lelo Umweo ubutuntulu bukonka ulubuto, ifwe tuli munshita yakulekelesha, mweba bwananyina.

²⁵⁹ Cinshi ico bwena bwafumineko? Eico pakutila lwena lwaleta ulubuto mukubapo kwa Mwana, ukulenga ulubuto ukupya kucapya icisuma icakwa Shikulu. Mulandu nshi cena cafuminako? Eico, cena cilenga imitima ukukalipa, ifilamba, icakutila bena balafilwa ukulala ilyo a-k-a-s-u-b-a, lelo u M-w-a-n-a, ukuba uwapywa ukufika ku mwisulo Mbila nsuma iya cine, ukulangisha ifintu fyonse ifyo Yesu Kristu alaile muli Baibebe. Kwaliba ukwimya kwa Mubili ileelo pakati ka bantu. Kibili takwakabe utubungwe, cena cikayafye mulya mwine mu Laodekeya wa fyuma. Cinshi ico akabungwe katunguluka naco? Ma Millioni yama dolla, kibili ma millioni ya mweo.

²⁶⁰ Kibili nikwisa Kacema afumine? Ukwisa fumya ba munyina Bakwe ukufuma mubusha. Ine—Ine nshishibe; Lesa, abe naifwe, atwafwilishe ifwe. Ukubelenga i Cebo! Mufwaya mu Malembo! Muli Yena tutontonkanya ukutila twalikwata u Mweo wa Muyayaya, kibili Yena Eyamo ayapela ubunte ubwa Cine. Mwamona, Lesa abikile i Fyebo Fyakwe kuli cila nkulo. Ino nkulo lyonse...

²⁶¹ Cinshi ico Yesu alandile ilyo Ena aishile? Atile kuli balya,

"Imwe bamyalu myalu! Mulashingula ifibumba fyabuuta, nokukula inshinshi shaba kasesema, kibili naba shinwe babashika mulya. Kibili imwe muli bana baba shinwe. Kibili ne milimo ilya bacitile, naimwe muli nokucita pamo." Cena caba cimon cine, mwe bamunyina bandi.

²⁶² Lelo lintu Yesu akesa ubushiku bumo, Kacema Mukalamba uwa mpaanga ukufuma ku Pentecosti ukupita muli Luther ukupita munkulo shonse, isho ishapokelela u Lubuuto ilyo Lwena lwaisa ukupitila muli bakasenda (tabapokelele bakasenda, tabapokelele uLubuuto; mwamona, lwafumine lyaya), Ena akesa mukulubula. Ndi uwansansa nganshi ukutila Ninjishiba Ena aleisa nakabili. Oh, bushe iwe uli nokupendelwa pamo ne bumba Lyakwe? Bushe uli nokupendwa? Kwaba fye inshila imo iya kucitilamo, tekwiilunda ku chalichi, lelo kano ukufyalwa muli Ena. "Kibili bonse abo Taata Ampela, bakesa kuli Ine, kibili takuli umuntu uwingesa kano Taata Wandi amwita." Mwamona, ico conse efyo cena caba kuli ico, kupokelela Cena. Ena... Eca Bupe cimo ica Ciminshi minshi ico Naishibapo, ca bupe icakwa Lesa ico Apele kwi sonde, Umwana Wakwe uwafyalwa eka. Kibili Aba cimo cine, mailo, ileelo, no muyayaya, i Cebo. Mwamona? Cetekeleni Ena muli buno bushiku, uwaba umwisulo wa Baibele.

²⁶³ Lintu filya ifya nkama cinelubali... Ukubwelela kunuma ukupitila muli shilya Inkulo Cinelubali isha Chalichi, kwaliba ifya nkama ifya fiswa cinelubali. Ndelemba ibuuka pali Ico. Kibili kasambilila wafya mapepo atile kuli ine tapapitil inshita iitali, atile, "Munyina Branham..." Moneni ifyo Satana ali nokwesha ukufumya imwe pa musebo? Atile, "Munyina Branham, nawishiba ifyo cili? Nincetekela Shikulu ali nokusokolola kuli iwe ico ifwe tuli nokucita icikakonkako. Cili nokuba... cena cili nokuba icankama icikalamba ico icafiswa pe samba ly a Fikakatikilo ifi Cinelubali."

²⁶⁴ Natile, "Iyo, ico teifyo, munyina."

²⁶⁵ Atile, "Cena cili nokuba icintu cimo ico icishalembwa nangu fye Cebo."

²⁶⁶ Natile, "Iyo! Iyo! Naulaba, 'Onse uyo ukalundako icabo cimo, nangu ukufumyako i Cebo cimo.'" Mwamona, Caba mulya, lelo bakawamya balifilwa ukumona Ico, bena tabakokola pa nshita iitali ukumona Cena.

²⁶⁷ Kibili inkulo shalipita nomba, ifwe tuli pano pene mu Laodekeya. Kibili ibukisheni inkulo ya Laodekeya, Ena ali kunse ya chalichi, alekonkonsha, aleesha ukubwelela mukati: Efa abikile Adamu wakwe kunse. Lesa, twafweni. Lekeni tuye ukucila pa nkambi ukusanga Ena. Lekeni tucule kunse ya mpongolo pamo na Ena. Lekeni ifwe tuye kuli Ena mu mfwa Yakwe, mu kushikwa Kwakwe, kibili namu kubuula Kwakwe; pantu Aba cimo cine, mailo, ileelo, nomuyayaya.

²⁶⁸ Natwimbe ulwimbo lumo ilyo tatulaya. Mukwai kuti twacita ico? *Ine Nalimutemwa Ena*. Tupeleni apakutampila ukwimba, nkashi? Nibanga abaishiba ulwimbo lwa kale? I... Ngacakutila mulabamo mukulongana, Ine nalitemwa lwena.

²⁶⁹ Nomba natwisale amenso yesu, tontonkanyeni pali Yehova. Takwali nangu umo uwa citile ico lelo kano Ena. Kibili Aikile pansi, nokuba umwana munono. Aishile, umulumendo. Aishileba kabasa wa mbao, umuntu wa milimo. Aisileba i Mpaanga, Aishileba ilambo. Aimine uwacimfyia, Yehovah. Kibili nga fintu Mose afumishe ukuboko pa cifuba cakwe ukufuma mulya mwine mu mutima wakwe, Lesa afumishe ukuboko Kwakwe ukufuma pa cifuba Cakwe (inkama Yakwe) Umwana Wakwe ulya uwa uminwe no bulwele bwa lubembu, ubushipola; kibili noku Kubika pa cifuba nakabili, kibili Akufumishe ukufuma nokutambika Kwena kuli imwe kibili Ine: “Yesu Kristu naba cimo cine mailo ileelo, nomuyayaya.”

²⁷⁰ Lolesha kuli Ena nomba.

Ine nalimutemwa Ena, Ine nalimutemwa Ena
 Pantu Ena ewabalilepo ukutemwa ine
 Kibili nokushita ipusukilo lyandi
 Pa cimuti ca Kalbale.

²⁷¹ Nibanga abaishiba ukutila cena cali nokuba kacema, landeni “Ameni.” [Ulukuta lwatila, “Ameni.”—Kale.] Cifwile ukuba! Mulandu nshi kacema? Cena cali nokuba. Nomba ilyo tulemba iyi ine versi ukubwekweshapo nokubwekeshapo, pusheni petebulo. Kuli ba Methodisti, ba Baptisti, ba Lutherani, ba Presbyteriani, ba Katolika, babonse, abekele muno munshita ya bushiku. Poshanyeni amaboko, mutile “We mulebeshi munandi, Ndi nensansa apakalamba pakuba pamo naiwe, muno nshita yabushiku.” Landapo icintu cimo kuli bena. Utile, “Lesa amipale,” ilyo tuleposhanya amaboko pamo umo nomunankwe nomba. Ilyo tuleimba lwena nakabili.

Ine...[Tapali amashiwi pali tepu—Kale.]
 ...ipusukilo lyandi
 Pa cimuti capa Kalbale.

²⁷² Nomba natwisale amenso yesu nokwimya amaboko yaesu, nokwimbila Ena.

Ine nalikutemwa Iwe, Ine nalikutemwa Iwe
 Pantu Ena ewabalilepo ukutemwa ine
 Kibili nokushita ipusukilo lyandi
 Pa cimuti ca Kalbale.

²⁷³ Kibili nomba, Lesa uwabula imibebe. Eico, natukontamike imitwe yesu nokuiingwingwisha nomba, kwati bana abanono, imwe muli bakwa Lesa. Mwilolesha paco isonde limbi lingatontonkanya, imwe mulepepa nomba, mulepepa Kristu. Kontamikenifye imitwe yenu nokulungwingwisha. [Munyina Branham nolukuta baingwingwisha *Nali Mutemwa*—Kale.]

²⁷⁴ Bushe tamuleumfwa fyonse ukwangufyanya kwati? Umusangofye kwati Cintu cimofye cafumyapo konse uktwishika ne sonde ukufuma pali imwe? Ukucumfwa muli iyo nshila? Imweniko amaboko yenu, “Ndecumfwa conse ukwangufyanya ukufuma. Ndeumfwa uwaiabelako. Ndeumfwa kwati Nacilaya ukufuma mu maboko Yakwe. Nacilalya...” Kwati ni munyina pano ifyo icipela ubunte, “Ifyakulya, Ifyakulya fyakwa Kacema, Ifyakulya fya mpaanga.” Ico e Cebo.

²⁷⁵ Impaanga shakwa Lesa shilya pa Cakulya Cakwe, “Umuntu tekala uwa mweo ku mukate weka, kano ku Cebo conse icifuma mukankwa kakwa Lesa.” Kabili ici e Cena, Baibele. Tulya pa Cebo conse, tepa Fyebofyne fimo, lelo nipa Cebo conse icifuma. Oh, bushe cena tacilelenga iwe ukumutemwa Ena? Ukutontonkanya ukutila nomba ifwe twalikwata Umweo wa Muyayaya! Tekutila tukaba, *nomba* tuli bana bakwa Lesa. Tekutila tukaba, *nomba*! Kabili cena kwikala capamo mu fifulo fyamu myuulu *muli* Kristu Yesu. Kabili icitunshi tunshi cikalamba, ico icilangisha ukutila kwaliba ifintu fimo umo ulubuuto nefya maka fipitila ifyo ifilenga abantu (umuntu ulya uwenda ukuya pe sonde) ukwishesibikwa ukupitila pa—pa cakulangisha capa citunshi tunshi. I Cebo cikalamba icakwa Lea, kabili no Mupashi wakwa Lesa ukusenda i Cebo cakwa Lesa, ukulangisha Yesu Kristu mu ncende shamu myuulu ku mpaanga Shakwe, ukutila Ena aba cimo cine mailo, ileelo, no muyayaya. Bushe Ena tawama? Tawama! Lesa amipale.

²⁷⁶ Nomba lekeni twimininekofye pakashita akanono. Bushe iwe naukwata umo uwakupelelapo amapalo? Nomba, ibukisheni, munshita ya Ciminshi minshi, mukapepe Shikulu Yesu. Mukamupepe Mu Maka yakubuuuka Kwakwe. Kabili ngacakutila kuti Nakwata ububile kuli iwe (iwe, kakumba obe, ichalichi cobe, nangu icili conse), ubushiku takwaba ukutila napa fitisha, imfula taipona mu kukosa nganshi.

²⁷⁷ Ubushiku bumbi (kuliko na mayo uwiminineko uuli pano) Nali uwapamfiwa nganshi, nabulile abalwele na fintu mpaka... Kwali umwanakashii uwali ne myaka yakufyalwa amakumi cine konse kone ne-mpusho uwafulungene mu mano yakwe, kabili akwete... ena akwete itontonkanyo lyakukwata umwana nangu icintu cimo, ena alifumine mu mano yakwe ayatuntulu. Kabili Billy, ukufuma mwi ofeshi, anyitile, atile, “Ba Taata, bushe imwe kuti mwacita ico?”

²⁷⁸ Natile, “Ine tekuti ncite pali ino nshita. Kuli abantu... Ine tekuti fye ncite ico.”

²⁷⁹ Atile, “Taata, kabiyenii nokupepa? Nalabeba ukutila imwe mulepepa.”

²⁸⁰ Natile, “Ee.” Kabili ilya ine inshita imo ine ena abwelele mu mano yakwe ayatuntulu. Alele mutulo, abukile mu mibele yakwe iyabuntulu. alile icakulya capwililika, inkoko yapa cakulya capa

cungulo bushiku, mu mano ayatuntulu. Umuntu aciminina pamo alepela ubunte palwa ico mu nshita inono iyapitapo.

²⁸¹ Munyina Mack, Nacimumona pano pakashita akanono akapitapo, pa ncende pamo muno chalichi. Ali pano, umo pali bakakumba, kakumba wa muno muncende. Munyina umo umusuma nganshi, kibili lyonse Nalimutemwa Munyina Mack ukutulafye ilyo mukubalilapo Natampile ubupyungishi. Kibili nomba elyo Namukumenye...

²⁸² Kibili Nali kulya ukutali ku British Columbia; kibili caklangishafye imwe ifyo uyo Lesa abomba ifintu fyonse ukuba ifyalungama. Nali kalekale ninjikala pali kabalwe, kibili nalebwellelamu matololo umo Natungulwile ibumba lyonse ilya bena India kuli Lesa; kibili bonse bapilibwilwe, kibili bapokelele Yesu.

²⁸³ Kibili ukupitila mu busesemo bulya ubwalandilwe no mulumendo umwina India ulya uwalufishe kakabalwe akanono, imyaka ibili iyapitilepo, namwebele uko ena engaisanga, no butali apo yena yabelele, kibili napo kabalwe munono ali nokusangwa naiminina. Banyina wakwe balefwaya kubulwele bwakusansa umutima. Bena baundepwe nokupusuka. Kibili uyu umulumendo, aishilefye napakumona ici, kibili nokwishiba ukutila ena...kabalwe wakwe asangilwe bwino bwino munshila iyo aebelwemo, na fyonse.

²⁸⁴ Tapaba i Cebo cimo Shikulu alaanda... Ndeipusha onse pali imwe, "Uwa umfwa... Ena Alanda icili conse, ico Anjebapo ukweba imwe, kibili caisa fikilishiwafye bwino bwino?" Ngacakutila ico nacilungama, landeni "Ameni." [Ulukuta lwatila, "Amen."—Kale.] Mwamona? Mwamona? Bwino bwino, tacatala Cena acifilwapo umuku umo.

²⁸⁵ Kibili Munyina Mack alele nafika pa cikomo cakufwa, kibili cacitike ukuba icakutila umukashi wakwe aitile Billy... umukashi wa mwana wandi, nokumweba...ukwipusha apo Nali; ulya uwatemwikwa namayo munono kibili... umukashi wakwe. Kibili Ena...Kibili umupongoshi-wandi-umwanakashi atile, "Bena baliya ukutali ku kapinda ka kukuso aka British Columbia pa bulendo bwakulunga."

²⁸⁶ Kibili lulya ulucelo, munshila imo, Ine—Ine—Ine nshaensheshefye ilya kabalwe ukuya. Kibili nomba Billy atile, "Ndecekela Nalatuma ku ng'anda nakabili." Kibili aile ku posti mukutuma. Kibili baishile balebutuka, ilyo umunonoumulumendo umwina India aiminine palya, umunono...onse uyo uwakwete kabalwe umunono, nokutila, "Munyina Mack nalala ukulola ku cikomo camfwa, kibili alekwita."

²⁸⁷ Kibili Naikilepo, naile mufimuti nokufukama. Natile, "Lesa Mwebatemwikwa, kulya, bamailoshi amakana yatatu ukuya ukupita mu calo, umo kabalikisha mu calo ca Arizona, mu

Tucson, muli munyina wandi, kabihi nalalako ukufika kucikomo camfwa. Bushe kuti mwamwafwilisha?"

²⁸⁸ Icintu cimofye calandile kuli ine ukutila, "Fyonse fili bwino."

²⁸⁹ Kabihi lintu Naile kuli Munyina Mack ubushiku bumbi, ukuti nande naena, kabihi Namwipwishe, "Ninshita cena cacitike?" cena cali bwino bwino inshita imo ifwe twaile mukupeepa.

²⁹⁰ Oh, Ena...Bushe Taba umusuma! Aba cimo cine mailo, ileelo, no muyayaya. Ine ndi nensansa pakwishiba ukutila Njikala mu Kubapo ukwa Mfumu.

²⁹¹ Natukontamikeko imitwe yesu nomba, kabihi munyina umunono uwawama ali pano, munyina mishoni, cibusa wandi, ni membala wa Assemblies of God, munyina munono uwawama pano. Ine mwita, "Creechy." Alandile ifintu ifisuma nganshi. Munyina Creech, Ndakwita ifyo. Nshishibe ico ningalanda, iwe uli munyina wandi kabihi umubomfi munandi mu mukupakaswa kwakwa Yesu Kristu muli buno bushiku bwakulekelesha. Lesa akupale. Kabihi Ndetontonkanya Munyina Tony acitila ukuti iwe walasalanganya ibumba pali ino nshita, ilyo twakontamikako imitwe yesu. Cisuma, isa. 

64-1221 Umulandu Cena Ca Belele Ba Kacema
Ramada Inn
Tucson, Arizona U.S.A.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfyा kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfyा ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org